


KALUNGA KULISOLOLA LYAVENE

KUHICHILA MU VILINGA VYENYI

 Ngwapwilenga kaha kupwa wakukomoka kumona sepa lyami, Yosefwe Boze, kuze, kaha Ngwalumukile na kumbata lwola chindende nakulimeka mumavoko.

² Echa etu tufukununenu jino mu Lizu Iya Kalunga, ku Hepelewu, kapetulu 1. Ngwatondo kutanga, chihanda, vasi 1, 2, na 3, kufumisaho mutwe waufukuuno.

Omu alingile Kalunga, hanahanjika lyehi hashikulu kuli vakakuluka jetu muli vapolofweto na mazu eka na mweka na mweka,

Hakukumisa chamakumbi ano nahanjika kuli etu muli Mwanenyi, ou atongwele kupwa swana wakuswana vyuma vyosena, muli ikiye nawa mukiko vene atengele myaka;

Ikiye hakupwa mu kumunyika chaupahu wenyi, ikiye henyihenyi nomu apwa, kaha hakuzundulanga vyuma vyosena na lizu lyangolo jenyi, omu alingile hanalingi lyehi hakutomesa mulonga ya shili. . . atwamine kwenyi kulivoko Iya Ukalenga Iya chilyo mwilu.

³ Echa tunongamenu mitwe jino tulombe. Kaha jino Kumeso Eyi a Ukalunga, kachi uli nachuma chimwe unasake vachisolole kuli Ikiye, ove zundula kaha livoko lyove helu, kaha chikiko kutonda chove, mangana muchima wa Kalunga . . .

⁴ Ove Tata wa Mwilu, etu tulinakwiza jino kulitanda Lyove, ha lufwelelo mu Lijina Iya Yesu Kulishitu, Mwan Ove. Kaha etu vanatuhane echi kukunyukisa, nge, “Kachi etu natulomba kalachuma mu Lijina Lyove, navatuhanacho.” Kaha Ove unatachikiza kufwila chetu na kutonda chetu, kaha Ove unashiki nge Ove nauaya nakuhana vyosena etu tulinakutondo. Shikaho, Tata, etu twatela kulomba nge omu Ove watulwekele, “Wangana Wove wizenga. Mwaya muchima wove mulingike hano hamavu, nge omu chili Mwilu.” Nge kutonda chetu, ufukuuno, twatela kupwa mwaya Kufwila Chove kuchihana, kaha tuhane etu awa malusesa. Wavisa eli Lizu, Mwata, kaha vakakuhanjika na vakakwivwulila, kaha echa Shipilitu Wajila kwiza nakwingila nakupwa vakakuzata mwaya Lizu, ufuku uno, mukachi ketu. Mwomwo etu twalombo echi mu Lijina Lyenyi. Amena.

Pwenu vakutwama.

⁵ Hamene na chimene, Ngunevwushisa, ku kulya chava Full Gospel Business Men. Kakavulu, kuze kuli kapetulu, Ngulinalisesa lya kuhanjika ha kulya chavo chachimene. Kuli luno lwola, chize chinapu kaha lizavu, eli linapu lizavu, oloze, lizavu kaha lize Ngwa—Ngwakundamako, linapu lya Christian Business Men. Kaha jino Nguli kaha na kuhanjika hali vakiko, mukayekosena.

⁶ Jino, ufuku uno, etu tuli nakufwelela nge echi kukunguluka kacheshi kuya nakupwa mwamokomoko ko. Nguneza kuli enu, wakuzeya, muliuu wakushoma, kaha kutambula chindende kujika kutulo, kufuma. . .

⁷ Ngwejile nakufuma ku Tucson kuze kuli vene kuwaha na kuma, kaha Nguneza hano na kupwa vene wamwaza kaha wakuzova, shikaho kulivene kulimbalaka chivene. Kachi enu mukwechi meya kuno kwosena hano, kachi enu namutuma kujila josena, etu natusakwilila. Oloze enu kamweshi kuhasa kulinga echiko, mukikovene.

⁸ Oloze Nanguya nakumilweka chuma chimwe, kuli chishimo kuze. Vyosena vyetu—vyetu—vyetu vyuma mu Arizona, mitondo yetu, kuzalila cha vyuma vyakwimana. Vyuma vyosena vukwechi vyuma vya kwimana. Echi chili mwomwo kunomu. Jino kachi chize chiputa chochimwe kukula kuze hano, nachiya nakupwa mafwo amwaza. Talenu, chili chkuzeneka meya, ou ukiko mulonga chinejile nakupwa chakwimana.

⁹ Kaha omwo eli liuka naliza nakupwa chakuzeneka kupwa na Meya a Kuyoya, naliya nakuma na kwimana, nawa, kwimana nakushijika ha vyuma vyosena. Oloze kuze kuli meya a Kuyoya kuhingunuka, echi cheji kusokolola lifwo na kulilingisa kupwa kanawa, kupwa ayema, wajila na kwitavila kuli Kalunga. Shikaho echa Mwata Kalunga ahingunune meya hali etu, ufuku uno, nge etu katwatela kupwa chakwimana; oloze etu natuya nakupwa mafwo akutelamo vathu vakuya kanawa munahase kutwama mwishi ya mutondo mumuvwule wetu nakuwana kunoka cha myono yavo.

¹⁰ Jino Ngwatondo kumbata kutangisa, ufuku uno, kachi Mwata netava, kaha Nguli nakukoka echi chindende kumutoloki nakupwa hakamwihi nge omu Ngunahashila, mwomwo chakuzeneka lizu. Ngwatondo ku, kufuma mukutanga hano mu Hepelewu 1:1, Ngwatondo kumbata echi kutangisa: *Kalunga Kulisolola Lyavene Kuhichila Mu Vilinga Vyenyi*. Echa Nguhilukileho cheka, mwomwo Ngunatachikiza echi kuwahisa chosena chili chachipi hano. Kalunga kulisolola Lyavene mu vilinga Vyenyi.

¹¹ Jino, kala chuma chosena ha vilinga vyacho. Kaha Nguli na Visoneka hano evi Ngunahase. . . kaha tachikiza, nge Nanguya na kuwapandamisa ku. Jino, vilinga vya kalachuma cheji kusolola chuma muka chapwa.

¹² Jino, nge mutengeso yosena, jitemo veji kuvisolola, lwola lwaluvulu, ha vilinga vyavo. Kachi vakiko vali hakamwihi hamwe, wa muyachi umwe namukwavo, vilinga vya temo naviya nakusolola temo omwo yapwa. Kaha muchiyoyelo cha tunyama, lwola lwaluvulu . . .

¹³ Ngwa—Ngwapwa chinyanga. Kaha ove watela kutachikiza vilinga vya kanyama uze uli nakuhanga, mokomoko lwola lumwe ove vinahase kukuhungumwisa. Chakutalilaho, nge Stone Sheep yatwama mu British Columbia. Ngwapwilenga kaha mwishi ya Yukon mukunoka chinahichi, vandumbwami vavavulu hano jino wapwilenga jino na yami, kaha etu tuli nakuhanga.

¹⁴ Jino kachi ove kawejilvileko chihandwa, omwo ove wapwilenga nakulandula mukoko mokomoko vuli, enu kamweshi kuhasa kukwambulula chihandwa kuvangila ove wapwilenga chinyanga wakukuluka malambu. Mwomwo, vakiko veji kulinga jijila jojimwe; vakiko veji kulikasa omwo vakiko veji kulahanga nakuya. Kaha jino enu kutala umwe nemana hahasuka, na mutwe wakusweka, mwomwoika, enu—enu kamweshi kuhasa kutachikizako chihandwa. Vakiko vapwa va seteko imwe; hajituchi javo, hapwa hatoma, chochimwe nge vuli. Nachiya nakupwa chachikalu kuvatachikiza. Oloze jimbinga jenyi jejikusolola vilinga vyenyi, ha jimbinga javo. Vaze mikoko vatwama na jimbinga jamujingulula, kaha vuli atwama jakusongoloka. Kaha chuma chikwavo, vuli kaya hahasuku chikumako, nakulilaho.

¹⁵ Kaha jino pembe, kutambuka, nawa, kwatwama vilinga muli pembe, kaha mukoko, kaweshi kuhasa ove kutachikiza chihandwa mulivakiko ko, omwo enu mwapwile helu, mwomwo vakiko vosena vatwama helu mujipili. Enu mwatela kutachikiza chihandwa. Oloze kachi enu namutalisa kanawa, va—va pembe veji kutambuka nakumbilikita; oloze, mukoko eji kutulika vimbundo hamavu nge *ngachize*, shimbu ali nakutambuka. Vilinga vya jila ikiye ejikutunganga mukoko. Ove musolola kuhema chove ha vilinga vize vyeji kuzatanga, kaha omwo yeji kulinganga, kaha eji kulyanga ika, na vyuma vyosena. Vyeji kusolola vivene ha vilinga vyacho. Kaha jino ove mutumbuka umwe, kaha mutala omwo nachisoloka, ove muya nakutachikiza mujila vakiko vanayi. Ove unahase kutachikiza kuhichila mu vilinga vyauze kanyama.

¹⁶ Kahajino mwatachikiza lyehi, Ngunahono kutachikiza nge mwapwilenga navo mokomoko keshiko, keshi kasendautundu ko; chamwaza, kuvwakuma likiko lijina lyakwoloka hali vakiko, kaha kalimba. Kasendautundu waseteko yoimwe na vikaya. Kaha enu mweji vakumona kutuka chili muvali, vakiko vosena vavali hamuyachi wauze kajila kupwa yoyimwe. Kachi enu kamweshi kuhasa kumona ulombo, oloze shina kuvatala vakiko, enu munahase kuvuluka hiya kasendautundu. Uze kalimba eji kutuka, chikuma chipwe chindende, jitambo. Oloze

kasendautundu, kuveta mavava eyi; shimbu mwaveta mavava eyi, ikiye mwashikumuka kaha cheka helu, kushikumuka kaha jino helu. Talenu, ikiye eji kulilingisa kupwa wakukashiwa, nge *ngachize*, kaha ove unahase kutachikiza vilinga vya kasendautundu, mujila eji kutukilanga.

¹⁷ Kachi enu munatachikiza na—na ngwali nge ikiye mwalovoka, mujila ikiye mwakatuka. Kaha jino tala kachi enu muli muchana, muze mwatwama pamo ngwali, kaha na—kaha na kanenga makanda. Enu vinyanga mwatachikiza echi. Vaze vatunenga makanda va Wilson na va tunenga makanda, vakiko veji kulisolola vavene ha jila vakiko veji kulovokanga na mujila vekiko veji kuyanga. Vakiko veji kulisolola ha vilinga vyavo vya kutuka, kwijikiza muyachi wa kajila muka. Shikaho, kachi enu namuvevwa vakiko, enu munahase kutachikiza vapwa veva, mujila ikiye mwalovoka, omwo ikiye ali, ha vilinga vya kutuka.

¹⁸ Nge lunga na pwevo. Vakiko vali vosena vathu vakuyoya, oloze pwevo atwama navilinga vya kuhandunuka kuli lunga. Ngwapwilenga nakutanga hano, lwola lwakunyima okwo, hali Solomone na mwangana wapwevo. Kanda lyehi nguyenga nakunangula Mujimbu wami waundende hano, kuli enu, hali mwangana wapwevo wa Kusango, kwiza nakumona Solomone, kaha nakumona wana wakitumbununa vishinganyeka. Ngwapwilenga na kutanga hali chize, hano keshi kunyima chikumako, kaha vakiko vambile ngwavo, echi, “Yimwe puzo ize vahakile kumeso a Solomone, apwilenga, ou mwangana wapwevo kumbata pwevo mokomoko pwevo, kuhambakana kuvwala vakiko nge lunga.”

¹⁹ Jino, nge apwile ngeji mulize likumbi, oloze punduvene chili na, lelo. Kaha—kaha enu munatachikiza nge chize chakuhenga. Eyi Mbimbiliya yamba ngwavo pwevo katela kulinga ngachizeko. “Echi chili chaunyengwe kuli pwevo kuvwala uvwalo wakupandama kuli lunga.” Kaha ou Kalunga wakuzeneka kwalumuka ahanjikile ngachize, shikaho ou unapu muchano.

²⁰ Shikaho etu tunawane nge Solomone, keshi kuhambakana vakiko, ikiye apwilenga vakiko kutambuka mokomoko kulinga chumachimwe, kaha kuhanjika hazevene ngwavo, “Vanapu mapwevo.” Talenu, ikiye nahase kutachikiza ha vilinga vya uze pwevo, mujila alisolwelenga lyavene, nge ikiye apwilenga pwevo keshi lunga ko.

²¹ Kaha jino kala chumachimwe mujila ize, na vilinga vyacho. Kupwa kaha nge vavavulu vathu vapwa vakuchimoswe, kaha vakulivoko lyachimoswe. Vakiko vali navilinga vya mujila vakiko valisolwelele vavene. Enu munahase kwambulula chimoswe- mokomoko livoko lya chimoswe lya muthu, ha jila vakiko veji kusolokanga vavene, mujila vakiko lwola lwosena

veji kwolovelanga na lovoko lya chimoswe mokomoko livoko lya chilyo.

Kaha anuka, Yesu apwilenga na chumachimwe nge ngachize, ngachize. . .

22 Mavoko avali ali chochimwe. . . Vakiko apwa chochimwe. Vakiko apwa natufundafunda twakuminwe chochimwe, fundafunda ya kumunwe, minwe faifi; yayindende, mifunda yacho, kaha na vyangocho. Kupwa kaha livoko lya chilyo na livoko lyachimoswe akwechi minwe yamuyachi yoyimwe, kakavulu, seteko yamavoko chochimwe, mukiko kaha. Kaha chihandwa kaha chiliko, muvikiko, chili kaha limwe chimoswe na likwavo lya chimoswe. Echi chikiko chihandwa enu munahase kutachikiza. Limwe lyachimoswe, likwavo lya chilyo.

23 Shikaho jino muli echi, Yesu ambile ngwenyi. . . Ngunahase kuneha chuma chimwe hano. Yesu ambile ngwenyi, mu Mateu 24, nge, “Vilinga vya Shipilitu naviya nakupwa nge mumakumbi akumakumishilo, shikaho kwakamwihi na kuhungumwisa navaze vakusakula kachi chahashile.” Talenu, vakiko vanahase kaha. . .

24 Enu mbatenu livoko lyove kaha kwachilila kaha. Talenu, kachi enu kamweshi kutachikizako, chimwe chacho kusoloka nge vikwavo, mukala jila, oloze limwe lyacho lili chimoswe kaha likwavo lyachilyo.

25 Eyi ikiko jila mashipilitu ali na likumbi lya makumishilo. Vakiko ali vene nge, oloze vakiko vali navilinga vyakulifwana na vakiko. Yimwe ya kwoloka, kaha ikwavo yimwe yakuhenga, kaha vanahase kulisolola ha vilinga.

26 Eyi Shipilitu ya Kalunga yinahase kusoloka ha vilinga Vyacho. Talenu? Eyi Shipilitu ya Kalunga, na shipilitu ya liuka. Kuli shipilitu ya luka, kaha na Shipilitu ya Kalunga ize kayeshi vene kupwa nge shipilitu ya liukako, mwosena omwo.

Kuli shipilitu ya vikungulwilo.

27 Kuli shipilitu ya lifuchi. Kuli shipilitu ya lifuchi. Kala lifuchi, omwo Nangwingila muze, enu namutamuka kuze, enu kuwana shipilitu ya kuhandunuka. Ngwayile nakwingila mu Finland, vathu vamwaza, oloze kuze kwapwilenga shipilitu ya mu Finnish. Ngwayile nakwingila mu Germany, kuli shipilitu yachi German.

28 Hano keshi lwola kunyima chikumako, Ngwapwile nakuya na pwevo lyami, omwo etu hanga ngwayoyela mu Indiana, myaka yayivulu okwo, kuze kuchisako chachindende. Ngwejile kaha kwimbo. Etu twatelele kulanda kulya. Kaha mujila yami yakuya kuze, etu. . . Kwapwilenga munonga, enu pamo kamweshi kuhasa kufwelelako, oloze etu twawane pwevo wakalemesa navwale kanji. Kaha chapwilenga chaungeji, Ngwa. . . Changukomwesele. Ngwa—Ngwambile ngwami, “Tala haze,

chize chinasoloka kupwa chaungeji, nge pwevo kuvwala kanji.” Vosena muli vakiko kuvwala uvwalo uze kawapwilenga... keshi kupwa pwevoko. Kaha—kaha ikiye ambile ngwenyi... Ngwambile ngwami, “Chamwaza, chize chinapu kaha shipilitu ya America, talenu, shipilitu ya America.”

²⁹ Jino, shipilitu ya America, echi chili...chatelele kupwa lifuchi lya Vakakulishitu, oloze shipilitu ya lifuchi keshi Vakakulishitu. Echi chinahase kuvuluka lifuchi lya Vakakulishitu, oloze echi chinapu miliyoni milosi kufuma kuli echi, mu vilinga. Shikaho, ou pwevo, Ngwambile ngwami. . .

Ikiye ambile ngwenyi, “Chamwaza, kumana katweshi vaka America ko?”

³⁰ Ngwambile ngwami, Ngwambile ngwami, “Nduma. Etu twayoyela hano. Eli linapu lifuchi lyetu. Etu—etu—etu kutwama mulikiko. Etu twazanga echi. Eli linapu lifuchi muno mukaye. Oloze, ohonyi, etu katweshi va America.” Ngwambile ngwami, “Etu twasemukila kufuma Helu. Eyi Shipilitu Wajila kwiza hamavu, kaha etu twapandama ku Wangana. Echi kacheshi chakano kayeko.” Ngwambile ngwami, “Ou ukiko mulonga vandumbwetu veji kuvwalo jikanji, kuvwalo jikambu jajisuku, kanda kuvwala vyakulifwanyisa. Talenu, vilinga vyavo kulisolola kuli vakiko kupwa ‘kujila muli Mwata,’ kufuma Helu.”

³¹ Shikaho, etu tulinakutondo Wangana. Etu tulinakutonda Wangana kwiza na kutambula uswana Wenyi ku Wangana Wenyi. Kaha vakiko vali vakusoloka ha vilinga vyavo—vyavo, nge luheto lwavo kalweshi lwahano hamavuko mokomoko lwa lino lifuchi. Luli lwa kwilu, mu Upahu. Shikangaho, vakiko, “Vakiko veji kutondatonda Mbongi ikwechi Mukakutunga Ikiye kaha Ayitunga Kalunga.” Vakiko valisolola kanawa.

³² Kachi Ngwapwanga na lizu lyakutamo lya kunangula kuli enu maufuku amwe. Oloze Nguli—Nguli nakufuma muli chize. Jino, kulisolola kuhichila mu vinjikizo.

³³ Etu twawane chakutalilaho chamwaza hano mulwola lwa Isalele, vejile mulifuchi lya lushiko. Kaha Kalunga avavulukile vakiko kupwa kutesekesa na lushiko Lwenyi. Ikiye amulwekele Apalahama nge, Ikiye mwaya. . .mbuto yenyi nayiya nakupwa mulifuchi lyaungeji, ha myaka fwo handulendi, kahajino Ikiye mwakavasokola na livoko lyenyi lyaundume, kaha vakiko navakaya kulifuchi, jino, vavashikile, lyapwile nakumbwambumuka na mavele na uchi. Kaha jino omwo lwola lwalushiko nalukapandama, kuze kwejile na—na Fwalo uze ahonene kutachikiza mulimo waunene wa Yosefwe uze apwilenga nawo mukachi kavo.

³⁴ Kaha, ou, Kalunga akatwile kapolofweto walijina lya Mose. Kaha uze lunga apwile wakunangula mumangana osena a Ejipitu. Kukakasana chauchi oloze omwo ikiye apwilenga

waundume, wautongwe, lunga wamangana, mwomwo ikiye ahashilenga kunangula mangana a Ejipitu. Asolokele kupwa wakutela—lunga wakutela kusokola.

³⁵ Oloze, munamono, echi etu tulinakusanyika kusokolola, kaha chuma mwavuluka Kalunga kusokola, hali kuhandunuka chimwe.

³⁶ Jino tala ou lunga na vyosena vilinga vyenyi. Ikiye atachikijile asemukile kupwa mukakusokola vana va Isalele. Ohonyi, na shikola yenyi yosena, mukiko ikiye atachikijile hali chize, kaha kutachikiza nge ikiye vamusanyikile kuli Kalunga kulinga mulimo, ikiye apwile na vyosena vyenyi. . . Ikiye apwilenga na Bachelor of Art, kaha Ph.D., na LL.D., na vyangocho. Kaha ikiye ayile nakulovoka nakusokola Isalele, kaha apwile mukakuhona chikupu.

³⁷ Jino talisenu, chasolokele nge, ikiye kupwa na vipundo ha litanda mu Ejipitu, kwiza nakupwa Fwalo, nge ikiye nahase kusokola vana va Isalele hanyima ikiye kwiza nakupwa Fwalo, mwomwo ikiye apwilenga wakushisamo mumukana ha—ha litanda. Oloze, mwamono, chize, mukulinga echi mujila, kacheshi kuhasa kusolola vilinga vya Kalunga mukusokola vathu Jenyi.

³⁸ Ikiye ambile ngwenyi Ikiye mwaya nakusokola vakiko. *Ikiye* mwaya “kusokola vakiko na livoko lyaundume,” keshi Moseko na livoko lyaundume, oloze Kalunga na livoko lyaundume.

³⁹ Etu tunawane nge ou kapolofweto kuchina kaha apwile mupambo mumyaka fwote. Chalingishile Fwalo myaka fwote kutanga shikola muli ikiye, kaha chamumbachila Kalunga myaka fwote kutakulula chize muli ikiye. Shikangaho, likumbi limwe, nge ikiye, kuze kusali ya mulikundu, kuliwana na uze Yehova Kalunga muze muchiputa chakuwema, muchifwanyisa cha Panda ya mulangi Wakakahya kupwa muze muchiputa. Kaha ikiye vamulwezele kufumisa jisapato, nge, hamavu ikiye emanyine hapwile hajila. Jino tala hali echi chamwaza, chakutungiwa, lunga wakutanga, uze apwilenga, tala ha kwalumuka cha vilinga vyenyi hanyima ya kuliwana na Kalunga. Ikiye alingile mwoyeni. . .

⁴⁰ Lwolalumwe Kalunga eji kulinganga mujila yayashi, kaha jila yauleya, kuvishinganyeka vya mujila yava kashisemwa. Kutachikiza ou lunga uze napunga mukakuhona chikupu; na maswalale ja Ejipitu na vyuma vyosena kumujinguluka ikiye nakulinga mwaya muchima wa Kalunga, na shikola yosena, ha myaka fwote yakusemuka, muundume wenyi. Hano ikiye ali, myaka eyite yakusemuka, chimene chashishileho, na pwevo lyenyi kutwama muchitwamo cha chimbulu, na wamundende hajitungi jenyi, kaha na mutondo mulivoko lyenyi, kuya nakushikumuka ku Ejipitu, kumbata. Enu mbatenu echi kupwa chauleya kumeso! Oloze chize chapwilenga nakusolola

vilinga vya Kalunga, mwomwo Ikiye apwilenga na lunga uze mwaya nakufwelela Lizu Lyenyi. Mukiko kaha. Chuma kana chapwilenga, munahase kushinganyeka kuhasa cha mthuumwe kuya ku Ejipitu, kuze, liswalale ahonene? Oloze chapwile chumamuka? Vilinga vyenyi, thato nyenyi yalumukile. Ikiye apwile nakuya mu Lijina lya Yehova, “NGWAPWA YAMI NGE NGWAPWA.” Chuma chivene capwilenga, ikiye ambachile. Ikiye alingile, mwomwo ikiye apwilenga nakuya na Ngolo ja Yehova.

⁴¹ Mujila yenyi yakuya, kutwaminyina va Isalele kuya mulifuchi lya lushiko, ikiye nakuliwana na ndumbwenyi, ndumbwenyi wa chikungulwilo, Mowave. Jino, Mowave, kakweshi mujila kanako, vapwile vakakuhona kutachikiza kulifukula. Vaze vapwilenga vana mwana Lote wapwevo. Umwe wavaze vana vavo vapwile—vapwile nakulovola Mowave.

⁴² Jino, kwilu kuze, Ngwatondo enu kotalisa hali awa mafuchi avali, vyakulimbalaka. Hano hapwilenga Ejipitu, chindende, kulimwanga, kakweshi lifuchi lyakuyako, kakweshi vakulitulahoko mokomoko kakweshi mwangana, mokomoko chumachimwe, mokomoko kala ulemu mukachi kavo, kupwa kaha vathu mujila yavo ya kulifuchi lya lushiko. Kaha hano vakiko vatela kuya nakuhita mulifuchi lya Mowave. Echi chapwilenga chakwoloka mumukana wa lushiko.

⁴³ Kaha Mowave, nawa, vapwilenga vakakufwelela muli Yehova, kaha vakiko vapwilenga na kapolofweto. Kaha Isalele apwilenga na kapolofweto. Vosena vapwilenga na tupolofweto.

⁴⁴ Kaha jino talisenu, vakiko vejile nakuheta hachihela nge kapolofweto wa kulivwasana cha lifuchi apwilenga nakwiza mangana ashinge lifuchi likwavo, mwomwo apwilenga mukanunguluka, keshi na chihela chakutwamako. Shikaho vakiko kwiza nakushikumuka.

Kaha tala hali vaze tupolofweto vavali: Nge kwiza kuchikuku cha kuhanjika, vosena vavali muli vakiko vapwile vene vakwoloka. Mwomwo, talisenu, Mbalamu, uze mbishopu, amulwekele ikiye, “Jino, enu ngutungilenu tumenga seveni.”

⁴⁵ Seveni yapwa nambala yakukumisa cha Kalunga, kwimanyinako Liuka lya Visemunuino vya Seveni, makumbi Seveni atengeso, na vyangocho. Jino talisenu, seveni, Kalunga akumishila mu seveni.

⁴⁶ “Seveni tumenga, kaha hali kala kamenga kuhakaho na—na kuji ya ngombe.” Jino echi chilivene kamenga youmwe vakiko vapwilenga nayo mukambwe ya Isalele. Vakiko vali mu Isalele, na kamenga youmwe vambachile kuno; kaha mulambu woumwe, kuji yangombe na kuji ya ngombe; kapolofweto na kapolofweto. Mafuchi avali, akulimbalaka.

⁴⁷ Chakutalilaho chakukupuka cha lelo lino etu tuli nakuyoyela, kachi twapwanga na lwola lwakuya lika muli echi.

Talisenu, Kalunga kulinga echi kuhichila muchishimo, nge etu natuwana, vili nakwendela hamwe.

⁴⁸ Jino, nawa, Mbalamu atondele mukoko wachilunga hakamenga. Chize chapwilenga kuhanjika lufwelelo lwenyi mukwiza cha Meshiya. Mukoko wachilunga, mukoko wachikuji, uze ukiko mulambu woumwe vakiko vapwilenga nawo muze mu Isalele; muze mukembwe ya Isalele, helu haze. . . mu Mowave. Echi. . . Chikuku, vakiko vosena vapwilenga vakwoloka, oloze, talisenu, chikuku cha kunangula.

⁴⁹ Oloze kapolofweto umwe muze mukembwe ya Isalele apwilenga na vilinga vya Kalunga na Lizu lya Kalunga. Ikiye atwaminenga na lushiko lwa Kalunga lwa chize chisemunuino, mwomwo ikiye apwilenga mumukana wakuya kulifuchi lya lushiko. Talenu?

⁵⁰ Jino, kutwala nge muchikuku, Mbalamu, Mbalaka vahashile kaha kulisolola nge muze apwilenga Mose.

⁵¹ Oloze, munamono, Mose, kupwa kapolofweto wakwoloka wa Kalunga, keshi kaha nge apwilenga na chihanda cha chikuku kahako, oloze apwilenga na katachikijilo ka Kalunga. Talenu, ikiye apwile mujila yamulimo, muzevene vashikile kutesekesa na lushiko lwachize chisemunuino; keshi nge chisemunuino cha Nowa ko, oloze cha chize vene chisemunuino. “Nanguya nakumitwala kulifuchi lize lili nakumbwambumuka mavele na uchi.” Vakiko vapwilenga mujila yavo, kaha Isalele vamwijikijile na kapolofweto kavo, Mose, na Mujimbu wa chize chisemunuino. Kalunga vilinga vyenyi vyasolokele muli Mose. Ize Panda ya mulangi wa Kakahya yapwilenga nakumukavangiza. Ikiye nawa apwilenga nakutomesa muvilinga; keshi kuhanjika kaha ko, oloze apwilenga nacho muvilinga. Keshi ocho nachikaya nakupwako; shina chili hano vene!

⁵² Talisenu, ikiye apwilenga na linoka wa unengu vanamuzundula helu hakuviza na misongo ya vathu, shikaho Mose apwilenga nakulilongesa kuka cha Ukalunga. Ikiye apwilenga na kutomesa, uze linoka lya unengu, kufwanyisa nge Kalunga apwilenga muze mukembwe, kaha vathu vapwilenga nakutala hali uze linoka lya unengu nakupwa vakuhinduka.

⁵³ Ikiye nawa apwilenga na Lilolwa lya kuveta kumukavangiza ikiye. Kaha chize chapwilenga kulisolola cha Kalunga, kulama Meya a Kuyoya mukachi kavo, kuwahilila na ulwilo, nge vakiko kaveshi kukanongako oloze vali na Kuyoya chahayamyaka. Chize chapwilenga chifwanyisa cha. . . Lize Lilolwa lya kuveta muze mupambo lyapwilenga chifwanyisa cha Kulishitu kupwa wakuveta.

⁵⁴ Kahajino, vakiko vapwilenga nakwenda mumukana wa lushiko. Chize chapwilenga katachikijilo kakwavo, kakusolwesa vilinga vya Kalunga. Chipwethuhu chipwenga chikuku chikwavo chimwe chapwilenga na Lizu; ikiye apwilenga

wachikuku, kuhakilako na katachikijilo, na vilinga vya Kalunga mukachi kavu. Kalunga alisolwele Lyavene. Tupolofweto vavali, vosena vavali tupolofweto, kaha vosena vapwilenga na chikuku; oloze Kalunga alisolwele vilinga Vyenyi muli Mose, mwomwo ikiye apwilenga na vilinga vya Kalunga na ikiye.

⁵⁵ Jino, cheka, Kalunga vilinga vyenyi lwola lwosena vyapwa utengi, mwomwo Ikiye apwa utengi. Kalunga apwa utengi. Echi chinapu chakuzeneka kusolajoka, lwola lwosena, kukushinganyeka chakutona chalikumbi lyalelo. Enu munejiva chize. Kalunga lwola lwosena kupihilila na chikochikala, ha—ha lizavu lya vakakufukula mukala chisemunuino chahita lyehi.

⁵⁶ Kaha keshi lwola lumwe muthu alingile mokomoko lizavu lya vathu valivwasanyine vavene hamwe ha mujimbu oloze chuma vakiko vafwile na kuya hamatanda, kaha kavasangungileko. Kakweshi numba namujimbuko. Va Luteleni, va Pulishitelinyani, va Mesondisiti, va Mbaputishiti, va Pendekosita, na vyangocho, kavasanguka chekako, omwo vakiko vayilenga na lizavu lya Echi.

Kalunga azata na muthu hakapanji.

⁵⁷ Talisenu, Ikiye apwa chakuzeneka kusoloka mujila ya kushinganyeka. Talenu, etu twafumine mujila, kaha etu twatela kufwelela Echi muli *eyi* jila. Kaha jino Kalunga ejile nakujinguluka na Eli Lizu chize Ikiye nashiki, na kulisolola Lyavene muli eli Lizu. Eli lizavu kalyeshi kuya kuli Echiko, mwomwo kalyafwelela muli Echiko. Talenu, lyalivatwile kufuma kuli Echi.

⁵⁸ Nge Yosefwe, ikiye apwilenga mwana Nдавichi, kaha muthu wamwaza, Yosefwe lunga lya Maliya. Ikiye apwilenga muthu wamwaza, kaha kukakasana na kutanga Mbimbiliya, mapepa akuvunga, kutwalilaho, mwomwo... kaha apwilenga nakutala ha Meshiya kwiza, kaha vatachikijile Chisoneka ngwavo nachiya nakusoloka. Isaya ambile ngwenyi, “Mujike wapwevo mwakemika.”

⁵⁹ Chamwaza, jino, ikiye apwilenga na ou mukweze wapwevo, Maliya, kakavulu mummyaka eyiteni yakusemuka, kaha ikiye apwilenga pamo mukulwane chindende. Kaha jino omwo vakiko tele vanalihuhu kaha, ikiye alisolwele kuli naye. Jino echi chapwilenga chachikalu na Yosefwe kuunda nachize. Kukakasana chauchi oloze Maliya amulwekele ikiye hakutambukila cha Gabriel. Oloze etu tutalisenu, mujila vilinga vyenyi vyapwilenga nakumutwamina ikiye, ikiye akakasanyine echi.

⁶⁰ Jino ikiye vamuwanyine kupwa chisemi wapwevo shimbu vakiko vavambachise. Kaha, mu Mbimbiliya, chize kuzangamisa chapwilenga kufwa, hakupwa wakwasa malolwa. Pwevo wakuzeneka kumbachisa kwiza na kupwa chisemi wapwevo, ikiye vatela kumwasa malolwa. Kamwapwilenga uhule mu

Isalele. Vaufumishilenga. Shikaho etu kuwana, mu Mulushimbi lwamuchivali, atulweka etu echi.

⁶¹ Jino etu tunawane ngachize, Maliya, kusoloka nge ikiye apwilenga nakweseka kuzachisa Yosefwe kupwa lukepwe lwa vilinga vize ikiye alingile. Mwomwo, kachi ikiye vamuwanyine kupwa chisemi wapwevo shimbu kanda valimbate, kahajino ikiye atelele kumwasa malolwa, kaha ikiye atela kupwa na muthuumwe jino uze nahase kwimana kupwa lukepwe lwa ikiye. Kaha echi chinasoloka, chosena, nge echi chapwilenga nge ikiye apwilenga nakasweka nakulinga.

⁶² Oloze Yosefwe kutala mu meso amanene amwaza, kaha ikiye mwaya nakuhanjika, “Yosefwe, Gabriel ahanjikile kuli yami, ‘Eyi Shipilitu Wajila mwakaya nakukufwika ove, kaha echi Chuma nachiya nakwimita muli ove—muli ove chinapu Shipilitu Wajila. Ou napu Kalunga. Echi nachiya Echi nachiya nakuchisanyika, kupwa “Mwana Kalunga.”” Kaha, Yosefwe, ikiye—ikiye—ikiye atondele kufwelela echi, oloze echi chapwilenga chakuzeneka kutela. Chize kanda lyehi chisoloke lyehi.

⁶³ Kaha omu mukiko mujila chili na lelo. Kachi etu natuhasa kaha...Kachi Nanguya nakupwa mujila ya kupwa na vathu kumona echi kupwa chakuzeneka kutela ya kalachuma, kachi echi chinasoloka ha Lizu, kahajino vilinga kwinjikiza chili chumamuka echi. Ali Kalunga mukuzata.

⁶⁴ Yosefwe atelele kutachikiza echi. Ikiye atelele kutachikiza, “Sanda mwakaya nakwimita.” Oloze ikiye apwilenga wakushishika hali echi. Ikiye kazangile kumulukulula, kupenge, oloze ikiye—ikiye apwilenga nakushinganyeka kulinga echi.

⁶⁵ Kaha jino uze Kangelo ka Mwata alisolwele kuli ikiye muchilota. Enu mwalikomokelaho lyehi mwomwoika Ikiye alisolwele mu chilota? Kakwapwilenga tupolofweto mumakumbi aze. Vilota vyavo vyapwilenga vyavyashi, kachatondekele kulumbununako. Ambile ngwenyi, “Yosefwe, ove uli mwana Ndavichi, kwivwa woma chiku kumbata Maliya kupwa pwevo lyove, ha chize nemita muli ikiye chinapu cha Shipilitu Wajila.” Talenu, jino, mukiko kaha. Talenu, Ikiye ejile kuli ikiye muchilota, kamuchivali. Oloze, mwamono, kakwapwilenga kapolofwetoko wakusolola lize Lizu, lize, “Ou napu sanda mwakaya nakwimita.” Talenu? Shikaho, shikangaho, Ikiye alisolwele kuli ikiye mu chilota, mwomwo ikiye apwilenga wakushishika kaha kupwa kaha muthu wamwaza.

⁶⁶ Kaha Ngwafwelela Kalunga mwaya nakwiza kuli kala muthu wamwaza, mukala jila, kaha kusolola vilinga Vyenyi kuli uze muthu wamwaza, hali chize chisemunuino, kachi uze muthu vamusanyika kuli Kalunga hali chize chisemunuino.

67 Jino, oloze chapwilenga chakuzeneka kusoloka, vakiko vahonene kuchivwishisa. Oloze, lwola lwosena, chize kusoloka kutesekesa na lushiko lwa Lizu lya chize chisemunuino, vyosena evi vyapwilenga vyakuzeneka kutela.

Jino kuli vathu vamwe vanahase kuya nakujujuluka, nakuhanjika, “Chamwaza, *echi* chinapu chakuzeneka kutela, uze napu Kalunga. *Echi* chinapu chakuzeneka kutela.”

68 Oloze, mwamono, *echi* chatela kupwa chakwinjiza ha na Lizu, kaha eli Lizu lya Kalunga. Talenu? Kaha jino vilinga vya aka katachikijilo kulisolola ikiye hiya, 'mwomwo Kalunga ambile ngwenyi, “*Echi* nachiya nakusoloka,” kaha nachiya nakusoloka. Talenu? Vilinga kana vinapu vya Lizu lya Kalunga kupwa vyakusoloka ha vilinga vize naviya nakupwa.

69 Ikiye ambile ngwenyi mumakumbi akumakumishilo Ikiye mwakaya nakuhingununa Shipilitu Wajila. Ikiye achilingile. Vilinga vyacho vyasolwele nge apwilenga Kalunga, Lizu Lyenyi lya kushika. Talenu, lwolalwosena kulisolola livene.

70 Jino, lwola lwosena, kala lwola, kwola lizu, omwo eli Lizu navalihanjika mukuhenga. Enu mwachitalishile kanawa? *Echi* chapwilenga mumakumbi a Nowa, lyolwele chisemunuino cha sayasi, nge Kalunga mwakaya nakuneha meya kufumisa mwilu. Apwilenga Mose, talenu, uze olwele omwo vakiko vapwilenga hivanatwame mu Ejipitu, na vyangocho, oloze Lizu lya Kalunga lyatela kwiza nakupwa lyakusoloka. Kaha Muchano wa eli Lizu lyeji kwolola kuhengesa.

71 Echa ngumihule chumachimwe. Etu tuhanase pamo kujiminyina hano. Kangwatelanga kunangula kutangisa mokomoko kunangula, oloze echa ngumihule enu chuma chimwe.

72 Yesu apwilenga Lizu. Etu tunatachikiza *echi*. Eyi Mbimbiliya yahanjika mukiko chapwilenga. Mukakujila Yowano, kapetulu 1, “Mukuputuka kwapwilenga Lizu, kaha Lizu lyapwilenga na Kalunga, kaha Lizu lyapwilenga Kalunga. Kaha lize Lizu lyalitengelekele kupwa wachisemwa cha hamavu nakutwama muli yetu.” Ikiye apwilenga lika Lizu. Kahajino omwo Ikiye atachikijile vishinganyeka vyavo, vakiko vatelele kutachikiza nge lize lyapwilenga eli Lizu, mwomwo Lizu lya Kalunga lyahanjikile nge chuma Ikiye mwakaya nakulinga. Ikiye apwilenga Kapolofweto.

73 Jino talisenu, etu tunawane nge omwo Ikiye asemukile, pamo na myaka twolufu, Ikiye ayile kuchifupawenga cha mbalaka. Kaha vakiko vayile kuze ku Paseka. Kaha, mujila yakukinduluka, vakiko vendele ungeji wa makumbi atatu kaha vakiko Vamujimbalishile; kujina, kushinganyeka, pamo, kushinganyekela nge Ikiye afumine mukachi ka vathu.

74 Etu tunahase kupwa nachakulinangwilaho hali chize. *Echi* chikuma lelo! Jino enu va Mesondisiti, MbaPUTISHITI,

Pulishiteliyani, Luteleni, Katolika, kala mwosena omwo wapwa, talenu, enu muli nakulinga chuma chochimwe. Enu muli nakushinganyeka mwomwo nge Wesley apwilenga na kuhizumuka chachinene, Luther apwilenga na kuhizumuka chachinene, mokomoko Pendekosita apwilenga na kuhizumuka chachinene, enu muli nakushinganyeka nge Ikiye ali mukachi ka vathu, omwo, lwolalumwe Ikiye ahonene kupwa kuze.

⁷⁵ Vakiko vayile nakumuwana Ikiye. Kulihi vamuwanyine Ikiye? Kuze vakiko Vamusele, ku Yelusalemu. Kaha omwo vakiko vamuwanyine Ikiye, chuma muka Ikiye apwilenga nakulinga? Kanyike walunga, wa myaka twolufu yakusemuka, pamo kanda lyeji engile kushikola kuhambakana muze mama Yenji amulwekele Ikiye; kaha hano Ikiye apwilenga mutembele, kushimutwila na vaze tupilishitu, ha Lizu lya Kalunga. Kaha vakiko valikomokelele ha mangana auze Mwana. Mwomwoika? Ikiye apwilenga Lizu. Jino talenu.

⁷⁶ Kaha jino keshi kusaula enu vathu va Katolika enu mweji kuvulukanga Maliya kupwa naye ya Kalunga, oloze echa yami ngumisolwese kuhenga chachindende hano. Kachi eli liuka valitungila hali Maliya, tala chuma muka chasolokele. Jino ikiye ejile kaha ikiye ambile ngwenyi, “Mamalelo, Iso na Yami tunakutondo Ove, na masoji.” Talenu hali ize hanjikiso, ikiye apaishile ujiho wenyi. Ikiye ambile ngwenyi, “Iso na Yami tunakutondo Ove, na masoji.”

⁷⁷ Tala lize Lizu. Ikiye apwilenga lize Lizu. Ikiye ambile ngwenyi, “Kamwatachikijile nge Ngwatela kupwa mumilimo ya Tata Yami?” Tala eli Lizu lyeji kwolola kuhenga. Hazevene kumeso avaze tupilishitu, ikiye eyekele unjiho wenyi. Ambile ngwenyi emichile na Shipilitu Wajila, kaha hano ikiye ngwenyi Yosefwa apwile Yenji “ise.” Talenu lize kupwa Lizu lyakwachile chize washiwashi? Ikiye apwilenga lize Lizu. Jino, enu munatachikiza kanyike walunga wa myaka yakusemuka twolufu kulinga ngachize. Ikiye apwilenga lize Lizu. Ikiye apwilenga Lizu lyakuhanjika lya chize chisemunuino, shikaho shikangaho kusoloka cha vilinga vya Kalunga vyapwilenga muli Kulishitu. Ikiye olwele kuhenga. Ikiye ambile ngwenyi. . .

Vakiko vambile ngwavo, “Mwomwoika, etu twapwa vaka Mose’ tumbaji.” Talenu?

⁷⁸ Ikiye ambile ngwenyi, “Kachi enu mwapwilenga vaka Mose tumbaji, enu kachi munangutachikiza Yami. Ikiye asonekele hali Yami. Mose ambile ngwenyi, ‘Ou Mwata Kalunga kenu mwakakatula Kapolofweto nge yami.’ Enu kachi mwangutachikiza Yami kachi enu mwamutachikijile Mose.”

⁷⁹ Kaha, talenu, eli Lizu lwola lwosena lyeji kwololanga kuhenga chalikumbi. Oloze vathu kavazanga kufwelelako. Vakiko veji kaha kukakachila lika, chochimwe.

⁸⁰ Oloze Yesu amwolwele Ikiye naye yenyi. Kaha mama Yenyi apwilenga mukuhenga, mwomwo ikiye tele nahanjika lyehi ngwenyi emichile Mwana wa Shipilitu Wajila, kaha hano alumwine ujiho wenyi nakujinguluka kaha ambile ngwenyi Yosefwa apwilenga “ise,” apwilenga ise ya—ya Yesu. Jino kachi—kachi Yosefwa . . .

⁸¹ Kachi Ikiye apwilenga mwana Yosefwa, kachi Ikiye apwilenga kumilimo ya ise Yenyi, Ikiye napu mu muchitanda chamukakusonga.

⁸² Oloze Ikiye apwilenga kumilimo ya Tata Yenyi, muze mu Tembele, kutenukila vize vikungulwilo. Talenu? Ikiye apwilenga kumilimo ya Tata Yenyi, Mukweze wa myaka yakusemuka twolufu. “Kamwatachikiza nge Ngwatela kupwa kumilimo ya Tata Yami ko?”

⁸³ Kamwatalishile omwo Yesu vamwesekele kuli Satana? Vilinga vyenyi kuze, omwo Ikiye apwilenga muli chize kweseka Chenyi, kumusolola Ikiye kupwa Kalunga, mwomwo Ikiye atwamine na Lizu. Talenu? “Echi vachisoneka,” mukiko ahanjikile Satana.

Yesu ambile ngwenyi, “Echi vachisoneka,” twama hano na eli Lizu.

⁸⁴ “Kalunga, mulwola lwakunyima,” etu tunatange hano. “Kalunga, mulwola lwakunyima,” echi chinapu lwola lwakunyima, “mujila jakuhandunuka,” mujila jajivulu, “alisolwele Lyavene kuli tupolofweto Twenyi na vimweno.” Nge vyapwilenga vilinga vya kapolofweto, muze vachambulwile nge nachikasoloka. Jino vize vyapwilenga vilinga vya katachikijilo, nge Kalunga ali na ikiye. Kahajino chize chamuhanyine kulumbununa chakwoloka cha Lizu lya lize likumbi, mwomwo, “Eli Lizu lya Kalunga lyejile kuli tupolofweto,” vilinga vya kapolofweto, vize Ikiye ahanjikile.

⁸⁵ Eyi Mbimbiliya yahanjika, “Kachi kuli umwe, kaha chize mwahanjika nachisoloka, kahajino mwivulilenu; oloze, kachi nduma, kanda kumufwelela ikiyeko, kanda kumwivwa womako, oloze Lyami. . . kachi—kachi Lizu Lyami kalyeshi muli ikiyeko. Oloze kachi nalize nakusoloka, kahajino Lizu Lyami lili muli ikiye.” Kaze kanapu katachikijilo. Vize vinapu livinga vya kapolofweto.

⁸⁶ Jino, Kalunga, mulwola lwakunyima, muze mukiko Ikiye asolwesele vilinga Vyenyi vya katachikijilo vya Lyavene muli muthu, ha kuhanjika kuhichila muli muthu uze vavulukilenga kupwa kapolofweto. Jino, eyi Mbimbiliya yahanjikile ngachize, “Kalunga, mulwola lwakunyima, mujila jakuhandunuka, ahanjikile kuli vakakuluka kuhichila muli tupolofweto.”

⁸⁷ Etu nawa twatange, muli Petulu Wamuchivali, nge Lizu lyosena lya Kalunga valisonekele kuli vakiko. “Malunga vakumwaka, vakutambukisa na Shipilitu Wajila, vasonekele

eyi Mbimbiliya.” Vakiko vapwilenga tupolofweto. Eli Lizu lyejile kulivakiko kaha vakiko kaha vakiko vasonekele Echi, vausonekele, kuhichila mukuhwimamina. Chatete vakiko vapwilenga tupolofweto vakwnjikiza, kahajino vakiko—vakiko vasonekele eli Lizu lya kuhwimina, kaha vakiko vapwilenga na kulumbununa cha kusoloka cha Ukalunga mwomwo apwilenga Kalunga muli muthu.

⁸⁸ Jino omu mukiko mujila Ikiye alisolwele Lyavene mu vilinga Vyenyi vya katachikijilo, vimweno vyavo kupwa vyakwinjikiza, apwilenga Kalunga vilinga muli vakiko kulilingisa Lyavene kutachikiza vathu.

⁸⁹ Jino, omu mukiko mujila Ikiye apwilenga muli Kulishitu. Kapolofweto apwilenga kaha kachiswaswa. Kulishitu apwilenga kuzalilila cha Kalunga. Kaha Kalunga apwilenga muli Kulishitu, kukindulwisa kaye kuli Lyavene. Kaha vilinga Vyenyi kusolokele muli Ikiye, kupwa Ikiye hiya, chikuma nge omu Ikiye ambile ngwenyi, “Kachi Kangweshi nakulinga milimo ya Tata Yami, kahajino kanda kungufwelelako. Kachi Kangweshi na vilinga vya Tata Yami, kahajino kanda Kungufwelelako, kanda kufwelela evi Ngulinakulivulukako. Kachi Kangweshi na vilinga vya Tata Yami muli Yami ko, jino kanda kufwelela echiko, kalamwosenako.”

⁹⁰ Jino, vilinga Vyenyi kanda lyehi vyalumuke. Kalunga keshi kuhasa kwalumuka kuvilinga Vyenyi, chochimwe nge—nge na—na mwana mukoko kwalumuka kuvilinga vyenyi, mokomoko kala chuma cheka kuhasa kwalumuka ku vilinga vyacho. Mwomwo, kachi kaha chili mukaputu kayo, mukaputu kayo. Kaha kachi enu namwalumuna chuma chimwe, kahajino enu munachalumuna kufuma ku kaputu kacho.

⁹¹ Echi chili kaha nge munahase kumbata nge—nge ngulu, kaha enu munahase kusanyisa ngulu na—na kumukwita ulombo kumukila wenyi, nge omu veji kulinganga mapwevo, kaha kulikwita kanawa ulombo hamivumbo, kaha kuvwala kanawa ndeleji yamwaza. Kwalumuna kanawa uze muvumbo, ikiye kuya mumajilo, kaha mumajilo cheka. Mwomwoika? Ikiye apwa ngulu, mukiko kaha. Oloze, kaha, munatachikiza, enu kamweshi kahasa kulinga . . .

⁹² Mwana mukoko keshi kuhasa kulinga ngachizeko. Ikiye keshi kuhasa numba kuya mumalova. Ikiye katonda chumako chakulinga nachize. Chinapu vilinga vya chize. Talenu? Ove unahase kumuvwika ikiye mujila yamuyachi wauvwalo woumwewe, oloze ikiye keshi kuhasako, ikiye keshi kuhasako. Kuweluka kacheshi na chumako; shina mukachi. Jino, Kalunga hakupwa sulo ya kuyoya chosena . . .

⁹³ Kanda kuhona kutambula echi. Nguli nakweseka, na vyosena vili muli yami, kuneha kuli yenu mumone

chumachimwe. Talenu? Chinapu chakuwaha chenu. Chinapu cha—kwimanyinako. Talenu?

⁹⁴ Kangwejile hano mangana vangumone kahako. Kangwejile hano, nge kaweshi chihela chikwavo chakuyako. Nguneza hano mwomwo Ngunevu kwiza hano. Ngunevwu nge milimo ya Mwata nanguhane yami yatela kusoloka mukachi kavathu hano, kaha Nguli nakweseka kumilingisa enu kumona Kalunga jino ali vene hiya. Ikiye napu lushiko Lwenyi Lizu. Ikiye lwola lwosena napu Lizu, kaha Ikiye alisolola Lyavene ha vilinga vize Ikiye ashikile. Vilinga vimwe vinahase kukatuka mulwola lumwe, echi chili mu Lizu, kahajino vilinga vya uze muthu uze atelele kukatuka nakulisolola nge nge ikiye uze muthu.

⁹⁵ Ou ukiko mulonga Yesu atelele kupwa Hiya Ikiye apwilenga. Vakiko vatelele kumona chize. Shikangaho vakiko vapwilenga tupuputa. Chuma... Ambile ngwenyi, chipwe thuhu Ikiye nalinga vikomwesa vyavivulu, oloze vakiko kavahashile kufwelelako, mwomwo Isaya ambile ngwenyi, “Vakiko vakwechi meso kaha kaveshi nakumonako, kaha matwitwi kaha kaveshi nakwivwako.” Talenu? Kala chisemunuino, keshi kaha chisemunuino Chenyi kahako; oloze kala chisemunuino, omu, “Kalunga, mulwola lwakunyima, mujila jakuhandunuka handunuka,” hanga chochimwe kavahashile kupwa nachoko.

⁹⁶ Jino, vilinga Vyenyi kavyahonako. Vyapwa lwola lwosena chochimwe. Jino, anuka, vilinga Vyenyi, vilinga vya Kalunga, kavweshi kuhonako. Kachi nachihona, kahajino Kalunga nahono. Kaha eyi Mbimbiliya yahanjika, mu Hepelewu 13:8, nge, “Yesu Kulishitu apwa youmwe zala, lelo, kaha hayamyaka.” Shikangaho, Ikiye apwa Kalunga wakuzeneka kwalumuka. Kala chilinga Ikiye apwilenga kuputuka, Ikiye lika vilinga vyovimwe. Kala jila Ikiye azachile, kalalwola Ikiye alingile kala chuma, Ikiye eji kuzatanga mujila yoyimwe lwola lwosena. Kachi Ikiye keshi kuhasako, kaha vilinga Vyenyi vinalumuka, talenu, kaha vilinga Vyenyi naviya nakusolola chumachimwe chize kachapwilenga na Kalungako. Talenu? Shikaho etu katweshi kuhasa kutachikiza kulihize. . .

⁹⁷ Nge Pauulu ambile ngwenyi, “Kachi ndolombita nayihana chivwumino chakuzeneka kutela, hiya mwaya nakutachikiza mwakulizangile kuya mujita, kachi ndolombita nayihana chivwumino chakuzeneka kutela?” Jino kachi ndolombita yatelele kuvwuma “kukindulwisajo,” omu mukiko twatela kuya nakulinga, kukindulwisaho. Kachi ndolombita chivwumino “chakutamo,” omu mukiko etu twatelanga kulinga, kupwa vakutamo. Oloze Ndolombita chuma muka? Lili eli Lizu lya Kalunga. Lyeji kusololanga Kalunga, chipwethuhu chili—chipwethuhu chili “yako kanduka, twama hamavu, kukindulwisaho, kukakamisa mavoko,” kala mwosena omwo chili. Yinapu Ndolombita ya Kalunga kuvwuma.

⁹⁸ Kaha chivwumino chakuzeneka kutela, omwo eyi Mbimbiliya yahanjika chuma chimwe chatela kusoloka; mthu umwe kuhanjika, “Mamalelo, chize chapwilenga chakufuma kulikumbi likwavo, chize.” Kahajino kuli chivwumino chakuzeneka kulumbunuka kuze. Kahajino enu munahono kutachikiza chuma chakulinga.

⁹⁹ Yesu ambile ngwenyi, “Nguli na ngolo ja kuhana Kuyoya mumavu kaha kuchisangula cheka.” Kahapwilenga kuvwuma chakutamoko haze.

¹⁰⁰ Uze pwevo ambile ngwenyi, “Etu tunatachikiza Meshiya mwakeza; kaha omwo Ikiye mwakeza, Ikiye mwakaya nakutulweka etu vyuma nge muze Ikiye alingile.”

¹⁰¹ Ikiye ambile ngwenyi, “Yami yami Vene.” Kahapwile chivwumino chakuzeneka kulumbunuka hazeko. “Yami yami Vene.” Hu-huu! Amena.

Vakiko vambile ngwavo, “Vakakuluka jetu valilenga mana muze mupambo.”

¹⁰² Ikiye mbile ngwenyi, “Vakiko, vosena, vafwile.” Ikiye ambile ngwenyi, “Oloze Yami Mbolo ya Kuyoya ize yafumine kuli Kalunga wa Mwilu.” Kakwapwile chivwumino chakuzeneka kutelako. “Yami uze Mutondo wa Kuyoya, wakufuma mumilemba ya Etene.” Kakweshi, kakweshi kuvwuma chakuzeneka kutelako hali chize. Punduvene keshiko. Kakweshi kuvwuma chakuzeneka kutela hazeko. Ikiye apwilenga wakutamoni muli vyuma vyosena vize Ikiye alingile.

¹⁰³ Eyi Mbimbiliya kayahana kuvwuma chakuzeneka kutelako. Yeji kusololanga vilinga vya Kalunga mu kuvwuma Chacho.

¹⁰⁴ Yesu ambile ngwenyi, muli Mukakujila Yowano 10:37, “Kachi Kangweshi nakulinga milimo ya Tata Yamiko, chumamuka . . . kaha Kangweshi navize vilinga vya Tata Yamiko, kahajino kanda kungufwelela Yamiko. Vakiko vili, vakiko vili nakusolola vilinga Vyenyi muli Yami, vilinga Vyenyi.”

¹⁰⁵ Mwomwo, Tata napu eli Lizu, “Mukuputuka kwapwilenga Lizu, kaha Lizu lyapwilenga hamwe na Kalunga, kaha Lizu lyapwilenga Kalunga,” kaha vilinga vya Kalunga vinasoloka ha lushiko Lwenyi lwa chize chisemunuino.

¹⁰⁶ Jino kachi Ikiye ayoyele mulwola lwa Mose, kachi kachazachiwileko. Kaha kachi Mose ayoyele mulwola Lwenyi, kachi chazachiwile. Kachi Ikiye ayoyele mulwola lwa Nowa, kachi kachazachiwileko, mokomoko kachi Nowa ayoyele mulwola Lwenyi. Nowa apwilenga nakupolofweta vyuma vya lize likumbi, kaha vilinga vyenyi na chuma ikiye alingile vyamusolwelele ikiye hamwe na Lizu lya Kalunga. Mose alingile chuma chochimwe.

107 Kaha hano Yesu ejile, kaha eli Lizu valishikile kupwa lya chize chisemunuino valisolwele muli Yesu Kulishitu ha vilinga vya Lizu, eli linapu Kalunga. Amena.

108 Kuhingununa cha Shipilitu Wajila, mu makumbi akumakumishilo, hali vathu vakusekesa, chinasolola vilinga vya Kalunga na vathu. Ikiye ashikile echi. Eli linapu Lizu. Ikiye ambile ngwenyi Ikiye mwaya nakulinga echi. Kakweshi muthu naumwe mwaya nakuchikindulwisa. Ikiye ambile ngwenyi Ikiye mwaya nakuchilinga.

109 Shikaho vyuma vyosena vize Ikiye ashikile, vikiko Ikiye alingile. Vili nakusolola vilinga Vyenyi. Eyo, mwane. “Kanda kufwelela echiko, kanda kufwelela evi Ngulinakulivulukako, kachi vilinga Vyami kavyeshi vya Kalungako.”

110 Jino talisenu mu Yowano 14:12, “Wosena mwafwelela hali Yami,” Ikiye ambile ngwenyi, “ali nakatachikijilo Kami, vilinga Vyami. Wose mwafwelela muli Yami, milimo eyi Ngulinakulinga naikiye nawa mwakayilinga.” Echi chinasolola vize vilinga vya Kulishitu vili muli ikiye, kusolola vilinga muli Ikiye. Amena.

111 Ngulinakwivwa kulifukula vene hano jino, kachi Yami ngunajoma. Eyo, mwane. Mamaah, yami! Talenu, kakweshi kuseukako hali Echi! Chiyoyelo Chenyi! “Wose mwafwelela muli Yami, milimo eyi Ngulinakulinga naikiye nawa mwakayilinga.” Talenu, chize chasolola vilinga.

112 Chuma chochimwe Ikiye ahanjikile: “Kachi vilinga Vyami kavyeshi kusolola Yamilyavene,” Kalunga muli—muli Ikiye, kahajino Ikiye. . .kanda kumufwelela Ikiye. Jino, Ikiye nawa ambile ngwenyi Ikiye mwaya nakulisolola muli vize. Kahajino, echi, kachi kacheshi nakusolola Ikiye, kahajino Ikiye keshi omu Ikiye ahanjikileko.

113 Kaha, lelo, kachi Kulishitu keshi kulisololako Lyavene, vilinga vya Kulishitu kusolola etu kupwa Kulishitu, kufwelela eli Lizu. . . Yesu apwilenga Lizu, shikaho Ikiye atela kufwela eli Lizu. Kaha etu nahanjika ngachili nge etu twapwa Kulishitu, kaha kukana kala Lizu lya eyi Mbimbiliya? Ou Shipilitu Wajila ya Kulishitu napu Kalunga muli enu, kaha Echi nachiya na kumangula kala lushiko na “Amena.” Eyi Mbimbiliya yahanjika ngwayo, “Evi vinjikizo navikakavangiza vaze vakakufwelela.” Ou Shipilitu wa Kalunga ambile ngwenyi, “Amena.” Talenu?

114 Umwe wavakiko kuhona kuhanjika, “Nduma, chize chinapu chisemunuino; uze apwilenga kambaji kaha.”

115 “Yenunga mukaye kosena na kunangula mujimbu wamwaza kuli tengeso yosena. Ikiye, kala kwosena mukaye kwosena, uze mwafwelela, evi vinjikizo navikakavangizanga vakiko, chuma chochimwe.” “Yumwe zau, lelo, na hayamyaka,” vilinga kusoloka.

¹¹⁶ Echi kulingisa Hepelewu 1:1, “Kalunga wakushikulu, kuhanjika kuli vakakuluka kuhichila muli vapolofweto,” kusolola Kulishitu, kusanguka lelo, ha vilinga vyovimwe vize Ikiye alingile kushikulu. Munatachikiza? Kalunga kalumuna jila Yeniko.

¹¹⁷ Mu Mbimbiliya ya mwaka, omwo mukakulota mwalota chilota, kaha kuze kakwapwilenga kapolofwetoko mulifuchi wakumona nge chize chilota chakwoloka mokomoko nduma, vakiko vapwilenga na jila yikwavo yakutachikiza. Vakiko vambachile vilinga, vyawosena alotele chilota, kumumbata ikiye nakumutwala ku tembele. Chize chipwiko cha Alone, uze apwilenga kapilishitu wakulitulaho, kusukika kumutondo. Kaha uze mukakulota mwambulula kulota chenye. Chipwethuhu nachivwakana kuwaha ngachilihi, nachivwakana kupwa kanawa ngachilihi; kachi kakweshi Kumunyika chaukalunga kusoloka hali aze malolwa, chize vavuluka Ulime wa Tumime (Vakakutanga mbimbiliya kwivwushisa); kahajino, Kangwazakaminako chipwe chevakananga kanawa ngachilihi, kachapwile ngochoko. Chize kuzeneka kusolajoka cha Kalunga, vilinga vya Kalunga, atela kusolola vilinga Vyenyi muukalunga, kusolola nge Ikiye kulisolola Lyavene ha mujimbu. Amena.

¹¹⁸ Nangwamba chuma chochimwe ufuku uno. Uze wamwaka Ulime Tumime, oloze eli Lizu hanga chuma cheji kusololanga vilinga vya Kalunga, lushiko lwa ola luze etu tuli nakuyoyela. Kuli vilinga vya Kalunga kusoloka ha lushiko lwa ola luze etu tuli nakuyoyelamo.

¹¹⁹ Echi cheji kulingisa Kalunga kupwa youmwe nge muze Ikiye apwilenga. “Mulwola lwakushikulu,” tala, “mujila jakuhandunuka handunuka, Ikiye ahanjikile kuli vakakuluka kuhichila muli tupolofweto.” “Kaha lushimbi na tupolofweto vapwilenga palanga na kuli Yowano; kufuma haze vene, Wangana wa Melu.” Talisenu, “Oloze mu likumbi lya makumishilo,” kuhanjika chuma chochimwe Ikiye alingile jino, “kuhichila muli Mwa Nenyi Kulishitu Yesu.” “Kalunga, mulwola lwakushikulu, mujila jakuhandunuka handunuka, kuhanjika kuli va kakuluka kuhichila muli tupolofweto; mu likumbi lya kumakumishilo,” kulinga chuma chochimwe, “kuhanjika kuli vathu (vakakuluka) kuhichila muli Mwa Nenyi Kulishitu Yesu.” Nasangula Ikiye kufuma mukufwa, kaha Ikiye ayoya mukachi ketu, kulisolola Lyavene na kutulweka etu vyuma, nge Ikiye mukakutumbununa vishinganyeka na mukachi ka muchima. Yesu Kulishitu youmwe zau, lelo, na hayamyaka! “Kalunga, mulwola lwakushikulu na mujila yakuhandunuka handunuka kuahanjika kuli vakakuluka kuhichila muli tupolofweto, oloze muli ano makumbi akumakumishilo kuhichila muli Yesu Kulishitu Mwa Nenyi.” Echi Chisoneka kaveshi kuhasa kuchalumunako. Echi chili mukiko vene.

¹²⁰ Nge muze Ngunahanjika shimbu kanda, Kalunga katonda kalamuthu kulumbununa eli Lizu. Ikiye eji kulumbununa Lyavene Lizu Lyenyi. Omwo Ikiye mwahanjika kalachuma, echi kusoloka, echi chikiko kulumbununa. Talenu? Ikiye katonda umwe kuhanjika, “Chamwaza, Ngwafwelela echi kulumbununa *echi*.” Kalunga kusolola echi ha kulumbununa Chenyi Lyavene.

¹²¹ Chili, kachi lushiko luli lwa lize likumbi, etu katweshi kuyoyela mukumunyika cha—cha—cha Luther, etu katweshi kuyoyela mukumunyika cha Wesley, etu katweshi kuyoyela mukumunyika cha kala vize vyosena. Etu tutwatela kuyoya Mukumunyika chize kushika chalize likumbi.

¹²² Ngachilihi kachi Mose ayile nakushikumuka mu Ejipitu, kaha ngwenyi, “Chamwaza, etu natuya nakutungu chikasha chachinene. Etu natuya nakufunguka helu lya eli lifuchi. Ou kalwiji Nile mwaya nakuzala”? Vakiko vatalile kunyima mumikanda yakuvunga; kamweshi lushiko kanako. Echi chakwoloka. Oloze, enu mwamono, ikiye alisolwele lyavene kupwa kapolofweto ka Kalunga, hakala chuma ahanjikile chejile nakusoloka, kahajino vakiko vatachikijile nge ikiye apwilenga na Lizu lya Mwata. Fwalo apwilenga na makunga, oloze Mose apwilenga na Lizu. Shikaho omwo vakiko vahetele kukalungalwiji, aze makunga osena apwile kwishi ya kalungalwiji; kaha Mose azawishile va Isalele uze kalungalwiji, hamavu aumu, mwomwo ikiye apwilenga na Lizu, kaha ikiye apwilenga na Lizu lya ize ola. Mose apwilenga lize Lizu lyasolokele lya ize ola.

Elija apwilenga lize Lizu lyasolokele lya ize ola.

¹²³ Kulishitu apwa Lizu lyasolokele, na jishiko jize Ikiye atungile. “Chindende kaha kaha kaye kakeshi Kungumonako cheka; oloze enu namukaya na Kungumona, mwomwo Nanguya nakupwa na enu, namuli enu, nakumakumishilo akano kaye. Eyi milimo Ngulinakulinga namukaya nakuyilinga nawa.” Ikiye ashikile vyuma evi. Chumamuka? Vinapu vilinga vya Kalunga kusolola Lizu Lyenyi, nge omu Ikiye alingile muvisemunuino vyosena.

¹²⁴ Malaki 4, Ikiye ambile ngwenyi, “Shimbu kanda likumbi lyalinene lyakwivwisa woma lya Mwata lizenga, tala, Nangukamitumina Elija kapolofweto; kaha ikiye mwakaya nakutungulula lufwelelo lwa vana kukinduluka kuli masevo cheka, shimbu kanda lize likumbi lizenga.” Ikiye ashikile echi.

¹²⁵ Yesu ambile ngwenyi, mu kapetulu 17 wa Mukakujila Luka, “Nge muze chapwile mumakumbi a Satome, shikaho mukiko nachikapwa na ha kwiza cha Mwana muthu, omwo Mwana muthu navakamusolola.” Omwo kusoloka nachikalivungununa chivene, mumakumbi omwo kaye nakakaya nakupwa nge Satome, nachikapwa ngachilihi? Vilinga vya Chisoneka kupwa vyakuzalilila. Kalunga kulisolola Lyavene ha vilinga Vyenyi,

vilinga vize Ikiye napunga lwola lwosena. Ikiye keshi kuhasa kusezako.

¹²⁶ Makumbi akumakumishilo, Ikiye alisolwelele kuhichila muli Mwa Nyeni. Tachikizenu omu Kalunga eji kulinga evi lwola lwosena . . . nge Ikiye lwo- . . . Ikiye kalumbukako jila Jenyi.

¹²⁷ Ava malunga vatatu vahanjikile kuli Apalahama, nge etu tulikaha nakuhanjika kuze, ha makumbi a Satome.

¹²⁸ Apalahama apwilenga lunga uze afwelele Kalunga. Ikiye ambachile Kalunga ha lushiko Lwenyi. Sala, pwevo lyenyi, apwilenga sikisite faifi ya myaka yakusemuka, Apalahama apwilenga sevete faifi, omwo Kalunga amusanyikile. Ikiye ambile ngwenyi vakiko navakaya nakupwa na—na mwana; Apalahama mwaya nakupwa na mwana na Sala. Chinahase kwivwakana chindende nge chakasautu, oloze Ngwashinganyeka kulnda vosena na—na tujisapato na jipengele, kaha vyuma vyosena, kulizanga, mwomwo vakiko navaya nakupwa na kamba.

¹²⁹ Hanyima ya makumbi atete a twende eyite, mwomwoika, Apalahama pamo ahanjikile kuli Sala, “Uli nakwivwa ngachilihi, sepa?”

“Chihandwa chauchi.”

“Upahu kuli Kalunga, etu tuli nakuya nakupwa nacho, kalamwosena omwo.”

“Unatachikiza ngachilihi?”

“Kalunga ambile ngocho.”

Mwaka ngwilila. “Uli nakwivwa ngachilihi, sepa?”

“Chindandwa chauchi.”

“Etu tuli nakuya nakupwa nacho, mwosena omwo. Kalunga ambile ngocho.”

Myaka faifi ngwilila. “Uli nakwivwa ngachilihi jino, sepa?”

“Chihandwa chauchi.”

“Etu natuya nakupwa na echi, mwosena omwo. Kalunga ambile ngocho.”

¹³⁰ Chapwilenga chuma muka echi? Ikiye apwilenga na lushiko lwa Kalunga. Ikiye afwelele Kalunga, kaha ikiye azachile nge Kalunga: ikiye akwachilile kulushiko lwa Lizu. Echi. . .

¹³¹ Twende faifi kwingilila. Jize jisapato jalumukile jausungwa, oloze ikiye ahanga akakachilila kujikiko. Jino ikiye kupwa kashinakaji, kaha akopama lyehi, kaha ikiye apwilenga nakusoloka mweka; kaha lijimo lya Sala lyapwilenga lyakufwa lyehi, kaha apwile mumba. Kaha tala museteko muka vakiko vapwilenga!

132 “Uli nakwivwa ngachilihi, Apalahama, tata ya mafuchi?” masepa jenyi vakakulifwanyisa kufwelela vapwilenga nakuhanjika echi kuli ikiye.

133 “Chamwaza, upahu kuli Kalunga, Ngunevu kanawa. Etu tuli nakuya nakupwa na kamba, mwosena omwo.” Mwomwo ikiye katalyangilile ha lushiko lwa Kalunga kuhichila mukuzeneka kufwelela; oloze apwilenga wakuzama, kumwalisa Kalunga, mwomwo ikiye apwilenga wakukunyuka nge omwo nahanjika Kalunga, Kalunga nahase kuzatamo. Amena. Kuli vilinga vya vakakufwelela.

134 Ngachilihi enu? Talenu? Ngachilihi etu, vana va Apalahama? Tuli vakusoloka hamwe na eli Lizu lya Kalunga, nge lushiko, kaha vilinga vyetu vyeji kutusolola etu vavene, nge etu twafwelela vene Echi? Mokokoko, nyi tweji kulinga vyuma vyakuhona kutachikiza, kutumbuka kufuma *hano*, na *kuze*, na kushikumuka *hano*, kaha kwiji, kulinga vyuma vyakuhona kutachikiza, hali Echi? Kahajino, etu twapwa Vakakulishitu, etu tuli kaha nakulingisa kuhona kufwelela.

135 Oloze, omwo etu natwimana vene ha lushiko, kiki na kutwama na Echi nge! Apalahama omu alingile.

136 Jino etu tunawane, likumbi limwe ikiye amwene malunga vatatu kwiza, nakutambuka. Eyi Mbimbiliya yahanjika hano, “Nge omu chapwilenga mulikumbi lya kuzuma,” pamo lyapwilenga na musana. Ava malunga vatambukile kaha vapwilenga nakuhanjika kuli ikiye. Etu tunevwushisa nge vavali vavo vayile nakushikumuka mu Satome. Ngwafwelela etu kuhanjika hali echi ufuku ukwavo. Umwe wavo asalile na ikiye.

137 Tala ou Lunga uze asanyikile . . . uze asalile na ikiye, chuma muka uze Lunga alingile. Umwe vamusolwele ha vilinga Vyenyi, nge Ikiye apwile Elohim.

138 Elohim, lizu lyatete mu Mbimbiliya, “Mukuputuka Kalunga . . .” Jino, kala enu vakakutanga munatachikiza nge nge lizu lyakuvuluka *Kalunga* lyalumbunukila, mu chi Hepelwu, kupwa “Elohim,” kulumbununa, “uze Wakulitulaho, uze mwosena, uze aliyoyela,” katonda kukafwa kufuma kuli kala muthuko, katonda kala muthu kulumbununa; eji kulinga Vyenyi Ivene. Ikiye apwa Kalunga wamwosena, ali kwosena, atachikiza vyosena, ukwechi ngolo jakuzeneka kukuma. Ikiye apwa Kalunga.

139 Mukiko Ikiye apwilenga. Kaha Apalahama jino, ou kakuluka uze akwachile eli Lizu, atalile hali ou Mukweze. Kaha omwo uze Mukweze atalishile nyima kuli Ikiye kwalumuka kumbalaka, Ikiye ambile ngwenyi, “Puwove ali kulihi, Sala?”

Ambile ngwenyi, “Ikiye ali mumbalaka, kunyima Yove.”

140 Ambile ngwenyi, “Nangukaya nakumitambukila kutesekesa na ngonde ya kuyoya, kaha enu namukaya nakupwa na kamba uze Ngwamishikile.”

141 Kaha Sala asehele hali chize. Kaha Umwe apwile nakuhanjika kuli ikiya, amulwekele chuma apwile nakuhanjika Sala muze mumbalaka, kunyima ya Ikiye.

142 Jino, mu Kuputuka, namuya nakutanga chize. Etu twawanyine nge, Apalahama, hanyima ya uze Lunga nalisolola Lyavene . . .

143 Chapwile chuma muka? Hepelewu, kapetulu 4, vasi 12, ambile ngwenyi, “Eli Lizu Iya Kalunga Iya vambuka, kuhambakana ngolo kuhamabakana poko yauvela kuvali, mukakutumbununa vishinganyeka na kulihala cha muchima.”

144 Ikiye atachikijile nge uze apwilenga Lunga. Ikiye atachikijile kakwapwilenga tupolofwetoko mulifuchi kuvangila ikiye kaha, kaha shikaho eli Lizu Iya Mwata Iyejile kuli ikiye. Kaha ikiye apwilenga kapolofweto, kaha hano eli Lizu Iyejile kuli kapolofweto.

145 Chuma chochimwe na Yowano Mukakujimika. Kakwapwilenga kapolofweto hanyima ya myaka fwo handulendi. Ngunanuka . . .

146 Pamo kashinakaji Ndotolo Davis natwame hano, ufukuuno, uze kashinakaji ka Mishonali mukakunangula wamu Mbaputishiti uze angujimikile Mulufwelelo. Ikiye apwilenga nakulipula jipami na yami. Ikiye ambile ngwenyi, “Billy, ove ukanyike kaha jino. Ove watela kwivwulila kuli yami.”

Ngwambile ngwami, “Chosena chakwoloka, Ndumbu walunga Davis, Ngulinakwivwulila.”

147 Ikiye ambile ngwenyi, “Wamono, Yowano kavamujimikileko. Shikaho ikiye apwilenga nakujimika, oloze ikiye kavamujimikileko; naumwe pimbi apwile wakutela kumujimika ikiye.” Chize chapwilenga chishinganyeka chamwaza cha Chipaputishiti. “Kaha omu ejile Yesu, kaha ambile jino . . . Yesu ambile ngwenyi, ‘Ngwatela kungujimika kuli Ove; mwomwoika Ove uli nakwiza kuli yami?’ Kaha Ikiye ambile ngwenyi, ‘Chitavize chipwenga ngocho.’” Ikiye ambile ngwenyi, “Kaha jino omwo ‘achitavijile’ Ikiye,” ambile ngwenyi, “wamono, kahajino Yesu ajimikile Yowano. Kaha omwo Ikiye afumine muze mumeya, kahajino mumelu mwasokolokele kaha Ikiye amwene Kalunga muchifwanyisa cha katela, kwiza nakushikumuka na kuya hali Ikiye, ambile ngwenyi, ‘Ou ikiye Mwa Nami ngwazanga, Muli Ikiye ngwewila kuwaha kutwamamo.’” Oloze, nduma, keshi kuhona kulivwasana na Ndotolo Davis, oloze ikiye apwilenga wa kuhenga.

148 Talenu, Yowano apwilenga kapolofweto, kaha eli Lizu lwola lwosena Iyeji kwizanga kuli kapolofweto. Shikaho kachi

Lizu lyapwilenga musonyi, Lyatela kwiza kuli kapolofweto, mwosena omwo; mwomwo, ikiye apwilenga nakwambulula eli Lizu, kaha vilinga vyenyi vyamusolwele ikiye ngachize. Hano jino Lizu hinaliza, jino chasolokele ngachilihi? Hazevene ikiye atambukile kumeso a Yesu, Yowano ambile ngwenyi, “Ngwatela kungujimika kuli Ove; mwomwoika Ove mwiza kuli yami?”

¹⁴⁹ Yesu ambile ngwenyi, “Chitavize chipwenga ngocho, mwomwo chatela etu (chinatemo kuli etu) kuzalisa vyosena vyakwoloka.” Yowano hakupwa kapolofweto; Ikiye hakupwa Lizu. Ikiye apwilenga Mulambu, kaha Ikiye apwilenga mangana engile mumulimo Wenyi wahano hamavu, kaha Mulambu vatela kuukosa shimbu kanda vauhane. Kaha Yowano amujimikile Ikiye, mwomwo ikiye atachikijile. “Chitavize chipwenga ngocho, mwomwo chinatela etu kuzalisa kwoloka chosena.” Uze Mulambu vatela kuukosa shimbu kanda kuuhana, kaha hikaho Yowano amujimikile Ikiye. Keshi nge Yesu amujimikile Yowano ko. Yowano ajimikile Yesu. “Chitavize chipwenga ngocho.”

¹⁵⁰ Talisenu, hano Apalahama apwilenga, kaha ikiye apwilenga na Lizu lya Mwata. Eli Lizu lya Mwata lyejile kuli ikiye. Ikiye apwilenga kapolofweto. Kaha jino hano jino kwejile eli Lizu. Ikiye amusanyikile ikiye, “Apalahama,” keshi *Apalama*.

¹⁵¹ Makumbi amandende shimbu kanda chize, lijina linyi apwilenga Apalama—apwilenga Apalama, jino napu Apalahama. Puwenyi apwilenga Salai, jino napu “Sala,” keshi S-a-l-a-i; S-a-l-a. Keshi (A-p-a-l-a-h-a-m-a) A-p-a-l-a-m-a, oloze A-p-a-l-a-h-a-m-a, Apalahama.

¹⁵² Kaha ou Lunga alisolwele Lyavene, omwo Ikiye ambile ngwenyi, “Apalahama!” Mamaah, yami!

Apalahama ambile ngwenyi, “Elohim!”

¹⁵³ Kuli eli Lizu na kapolofweto, hamwe, vilinga vyosena vivali kusoloka.

¹⁵⁴ Elohim, Ikiye ambile ngwenyi, “Nyi pwevo lyove, Sala alikulihi?”

¹⁵⁵ Ambile ngwenyi, “Ikiye ali mu mbalaka, kunyima Yove.” Kaha...Kahajino chikomwesa chalingikile. Elohim! Apalahama amuvulukile Ikiye kupwa, “uze mwosena, Wakulitulaho, Kalunga ukwechi ngolo jakuzeneka kukuma.”

¹⁵⁶ Yesu ambile ngwenyi, omwo Ikiye apwilenga hano hamavu, Ikiye alingile chuma chochimwe chize Elohim alingile. Chize chasolwele vilinga Vyenyi kupwa Kalunga.

¹⁵⁷ Kaha Ikiye ambile ngwenyi, shimbu kanda, “Mumakumbi akukuminyina, nge chochimwe nakwiza cha Mwana muthu, omwo Ikiye navakamusolola, echi kutwama nachikaya nakupwako cheka, nge muze chapwilenga mu Satome.” Elohim mukachi ka vathu Jenyi, uze Kalunga Wakulitulaho! Omu mukiko yahanjika Chisoneka. Elohim mukachi ka vathu!

158 Ha myaka fwote Ikiye napunga nakutujimika etu na Shipilitu Wajila, Elohim, Kalunga! Kaha eli liuka. . .

159 Tala, Apalahama amwene chinjikizo chimwe, kusanyika chikwavo; chinjikizo, kusanyika; kusanyika, chinjikizo; kuvandamina uze mwana walushiko. Oloze chinjikizo chamakumishilo chize ikiye amwene, kusoloka chamakumishilo, kutambukila cha Kalunga chamakumishilo shimbu kanda mwana walushiko ezenga, apwilenga Elohim mumujimba wauthu. Kahajino mwana walushiko kwiza.

160 Kaha Mbuto ya Apalahama ili nakuvandamina Mwana wa lushiko, Yesu Kulishitu. Kaha vakiko vamwene vinjikizo, kuhingunuka cha Shipilitu Wajila, kuhanjika mumalimi, kuka cha Ukalunga, kaha navyangocho. Oloze omwo uze Mwana muthu navakamusolola, Elohim mwakaya nakukinduluka cheka nakupwa Mbuto ya wangana ya Apalahama na kusolola chuma chochimwe chize Ikiye asolwele mulize likumbi, amena, Elohim, nge omu chapwilenga! Mwomwoika? Nachiya nakupwa vilinga vya Kalunga.

161 Jino, kachi Kulishitu apwilenga Kalunga, “Oloze chindendee kaha akakaye kakeshi Kungumona chekako; oloze enu namukaya Nakungumona, mwomwo Nanguya nakupwa na enu, namuli enu, nakukwenyeka, makumishilo. Eyi milimo Nguli nakulinga enu namukayalinga na enu nawa.”

162 Yesu ambile ngachize mu—mu Luka, kapetulu 17. Chosena chakwoloka, omwo etu natufwelela na kumona awa makumbi amakumishilo, echi kutwama chatela kusoloka cheka.

163 Shikangaho, Hepelewu 1:1, “Kalunga, mulwola lwakushikulu hali tupolofweto alisolwelenga Lyavene, mu makumbi akumakumishilo nalisolola mukusanguka cha Mwa Nenyi kufuma kuvafu,” ha kuhana Liuka vilinga vyovimwe vize Ikiye apwilenga vavyo, kulingisa Hepelewu 13:8 kupwa vene wakwoloka.

164 Kakweshi mangona eka navafumisa muli chizeko. Anapu kaha mangona a ngonga. Akiko alikwata, mwomwo apwa kajila wa mwilu. [Hatepu hapimbi—Muka.] . . vakiko veji kulya kulya cha ngonga.

165 Jino etu tunatachikiza chize, “Mumyaka yakushikulu, mujila jakuhandunuka handunuka, Ikiye ahanjikile kuli vakakuluka jetu kuhichila muli tupolofweto, mumakumbi akumakumishilo kuhichila muli Mwa Nenyi Yesu Kulishitu, ha kumusangula Ikiye kufuma muvafu.” Kaha hano Ikiye alimukachi ketu, hanyima ya myaka makombakaji avali, Yesu youmwe, keshi umwe hali vaze tupolofwetoko; Yesu, haleluya, uze Mwana wa Kalunga wakusanguka!

166 Yesu ambile ngwenyi, likumbi limwe, Ikiye ambile ngwenyi, “Chisemunuino chachipi kaha chaujila cheji kutonda chinjikizo, kaha vakiko navakaya nakupwa na chinjikizo.” Chisemunuino

chachipi kaha chaujila. Omwo kaye kapwilenga kakapi chekako, mokomoko chaujila kaha chakuchongonona, kuhambakana omu kali jino?

¹⁶⁷ “Nge omu chapwilenga mumakumbi a Yona, nge omu Yona apwilenga mujimo lyaishi mumakumbi atatu namaufuku, shikaho mukiko chatela Mwana muthu kupwa mukachi ka muchima wa mavu makumbi atatu na maufuku.”

¹⁶⁸ Kahajino, “chisemunuino chachipi chaujila” chatambwile chinjikizo. Chinjikizo muka? Chinjikizo cha kusanguka. Kaha etu tuli nacho lelo, hanyima ya makombakaji avali, Ikiye ahanga ayoya. Ikiye ali mukachi ketu, ufukuuno, youmwe zau, lelo, na hayamyaka, kulisolola Lyavene ha vilinga vya Kalunga, kusolola eli Lizu mulino likumbi nge Ikiye ashikile kulinga. Amena.

¹⁶⁹ Kuli eli Lizu. Jino namuya nakufwelela echi chinjikizo? chikiko chinashishiho, makumbi akumakumishilo, Katachikijilo Kenyi kuhichila muli Mwa Nenyi. Tachikizenu.

¹⁷⁰ Kalunga kuhanjika kuli Mose mulwola lwakushikulu. Mu Lushimbi lwamuchivali 18:15, ambile ngwenyi, “Ou Yehova Kalunga kenu mwakaya nakukatula Kapolofweto wakufwana nge Yami.” Jino talenu. Eli linapu Lizu. Eli linapu Lizu. Uze apwilenga Kalunga. Uze kapwilenga Moseko. Mose mwejiva Ngachilihi echi? Ikiye apwilenga muthu. Oloze Kalunga, kuhanjika kuhichila muli Mose, ahanjikile echi. Enu mwafwelela echi? Chosena chakwoloka.

¹⁷¹ Jino tachikizenu Yesu, talenu omu vilinga Vyenyi—Vyenyi kusolola Lizu lya lushiko lya muchano. Ikiye punduvene alingile. Ikiye apwilenga wakusolola ha vilinga vize vya Mose ambile ngwenyi Ikiye mwaya nakupwa.

¹⁷² Vavavulu vavo, nge lelo, vakiko vanatondo kumona twamina wamunene. “Mamalelo, ou napu Ndotolo Ph. *Munganji mukananga*. Ikiye nafumu Hartford University.” Mokomoko, “Ikiye nafumu mumwe mwamunene kumwe nge ngachize.” Chize kacheshi katachikijilo kuli Kalunga ko. Nduma, nduma. Keshi chumako. Eli Lizu likiko lyeji kusololanga Kalunga. Talenu?

¹⁷³ Yesu kapwilenga mukakutangako, chipwe kapwilenga Ikiye kapilishituko, chipwe kapwilenga Ikiye mulongeshi, ku kaye. Ikiye apwilenga ndoji, ku kaye.

¹⁷⁴ Oloze Kalunga apwilenga mukakwijikiza Lizu Lyenyi kuhichila muli Ikiye, uze alingishile Ikiye kupwa Emanuwele. Chize chapwilenga katachikijilo Kenyi. Jino, hano, Yesu kuliwana na echi vene ahanjikile Kalunga wakushikulu Ikiye mwakaya nakulinga, kuhichila muli Mose, chuma Ikiye mwakaya nakulinga.

¹⁷⁵ Jino tala omwo Ikiye aliwanyine na Petulu, nge omu twachihemanga muufuku ukwavo, omwo Ikiye aliwanyine na

Petulu na kumulweka Petulu lijina lyenyi lyapwilenga lika. Aka katachikijilo Kenyi alivuluka kau Meshiya, kuli Petulu, mwomwo eli Lizu linahajika ngwalyo, “Ou Yehova Kalunga kenu mwakaya nakukatula Kapolofweto.”

¹⁷⁶ Kaha Petulu ejile, uze apwilenga Shimona, ejile kuze Ikiye apwilenga. Kaha Yesu atalile hali ikiye, ambile ngwenyi, “Lijina lyove yove Shimona, kaha ove mwana Yona.” Chize chasolwele vilinga vya Kulishitu kupwa Lizu lize Mose ashikile. Petulu amwene chize chinjikizo kusolola Yesu kupwa Meshiya. “Kalunga apwilenga muli Kulishitu,” uze wakuwavisa wa makumbi aze. Kuli Nathanael . . . Anuka, Ikiye amulwekele Shimona lijina lyenyi.

¹⁷⁷ Jino, tala, kuli Nathaneal Ikiye amulwekele chuma muka nalingi. “Ove wapwanga mwishi ya mutondo omwo Ngwakumonanga.” Chize chamusolwele Ikiye kupwa Meshiya.

¹⁷⁸ Ambile ngwenyi, “Ove unapu Mwana Kalunga. Ove unapu Mwangana wa va Isalele.” Ikiye apwilenga wakwijikiza ha vilinga vya Lizu ashikile nge Ikiye apwilenga Meshiya. “Ou Yehova Kalunga kenu mwakaya nakukatula Kapolofweto.”

¹⁷⁹ Uze pwevo wamundende haze ha lishima, Ikiye amulwekele omwo ikiye apwilenga, kaha chize chamusolwele Ikiye kupwa Meshiya vashikile. Talenu?

¹⁸⁰ Vilinga vyenyi, vilinga Vyenyi, vyapwilenga Lizu kupwa lya kwinjikiza. Apwilenga vilinga Vyenyi kusolola nge Lizu lyapwilenga Kalunga, shikaho uze apwilenga Kalunga kupwa wakwinjikiza muli Kulishitu. Jino tala echi. Tachikizenu.

¹⁸¹ Kuli Petulu, Ikiye apwilenga wakwinjikiza kuli Petulu ha kusanyika lijina lyenyi. Ikiye apwilenga wakwinjikiza kuli Nathanael ha kumulweka chuma ikiye alingile. Ikiye apwilenga wakwinjikiza kuli uze pwevo, ha kumulweka apwilenga hiya. Chuma muka ikiye . . . hiya *ikiye* apwilenga; chuma muka *ikiye* alingile; kaha chuma muka *ikiye* apwilenga. Ikiye asolwele vilinga vyau Meshiya Wenyi, uze apwilenga kupwa vilinga vya u Meshiya.

¹⁸² Tala hali ou kanyike wapwevo kuhanjika chuma chochimwe. “Mwane, Ngushinganyeka nge Ove wapwa ukapolofweto. Etu katwapwilenga na kapolofweto mumyaka kulukajiko. Etu twapwilenga namauka amavulu, kulipika chachivulu na kulipangununa cha vikungulwilo, oloze etu katwapwilenga na kapolofwetoko mu myaka kulukaji. Etu tunatachikiza nge omwo Meshiya mwakeza, evi vikiko mwkaya nakulinga Ikiye.”

¹⁸³ Ikiye ambile ngwenyi, “Yami Vene, nguli nakuhanjika kuli ove.” Kakwapwile kujinuokako hali chize, “Yami Vene.” Chize chamusolwelele Ikiye.

¹⁸⁴ Uze pwevo waukalu wamanyinga, amutachikijile Ikiye na Lizu. Ngachilihi? Ha chuma Ikiye alingile na lufwelelo

kukwata Ikiye. Ikiye alumukile na kuhanjika ngwenyi, “Hiya Nangukwate?” Ikiye atachikijile chumachimwe chinasoloka. Chize chamusolwelele Yesu kupwa Meshiya.

¹⁸⁵ Ikiye achifwelele, kaha ikiye ambile ngwenyi, “Kachi Nangukwata kaha kuchikuto Chenyi, Nanguya nakupwa kanawa.”

¹⁸⁶ Shikaho hazevene ikiye akwachile, Ikiye alumukile, ambile ngwenyi, “Jino hiya Nangukwate?” Kaha vakiko vosena vakanyine. Oloze vilinga vya Umeshiya Wenyi . . .

¹⁸⁷ Amena! Ngunafwelela munamono echi, chikungulwilo. Ivwulilenu, shimbu tuli nakuya nakusoka.

¹⁸⁸ Haze ikiye akwachile Ikiye. Kuze kwapwilenga makulukanji, pamo, kweseka kumukwata Ikiye. Petulu amutenukile Ikiye, ambile ngwenyi, “Chamwaza, vosena valinakukukwata Ove.”

¹⁸⁹ Ikiye ambile ngwenyi, “Eyo, oloze muthumwe Nangukwate mwakuhandunuka.” Chize chikiko chihandwa, kukwata cha lufwelelo. Talenu? Ambile ngwenyi, “Muthumwe nangukwate Yami. Chapwilenga kukwata chakulimanyina. Ngunevu kuzeya. Ngolo jafumu muli Yami. Ngolo jinafumuli muli Yami.” Jino, Ikiye emanyine haze.

¹⁹⁰ Jino, numba tumbaji Twenyi Ivene kuhanjika, mujila ikwavo, “Ove unevwakana—unewwakana nge Ove umuthu mukakuhana milonga. Mwomwoika, vathu, kaamuthu ali nakukukwata Ove.”

¹⁹¹ Talenu Ikiye, tala katachikijilo Kenyi jino. Ikiye alumukile nakujinguluka, kutalatala muli lize lizavu. Ikiye amufumishilemo uze ukawenyi. Ikiye kahashile kuswekako. Ikiye amulwekele ukalu wenyi, kaha ambile ngwenyi, “Lufwelelo lwenyi lunamulingisa kupwa kanawa.”

¹⁹² Ikiye atachikijile, hali echi, chize, Hepelewu 4:12, “Eli Lizu lyeji kutumbununa vishinganyeka, nakulihala cha muchima.” Vilinga vyenyi vyamusolwele Ikiye kupwa “Lizu Iya Kalunga linapu mumusonyi na kutwama mukachi ketu.” Amena.

¹⁹³ Ngwashingtonyeka chuma chochimwe ufuku uno kulisolola Ivene, uze wakusanguka Yesu Kulishitu kuyoyela muli etu ufuku uno, youmwe zau, lelo, na hayamyaka. Jino, nge Hepelewu 13:8 kupwa muchano, vilinga Vyenyi naviya nakumusolola Ikiye lelo, nge omu alingile, mujila yoyimwe.

¹⁹⁴ Tala hali Cleopas na vakiko, hanyima ya kusanguka. Yesu kulisolola Lyavene mujila Ikiye apuzwile ize mbolo, ize Ikiye alingile mwamuze vene Ikiye alingilenga shimbu kanda Ikiye vamusukike. Kaha vakiko . . . Chize chamusolwele vilinga Vyenyi, mwomwo ize ikiko jila Ikiye alingile.

¹⁹⁵ Jino kachi Ikiye apwilenga hano ufuku uno, kachi Ikiye mwalisolola Lyavene ngachilihi? Kupwa kaha nge Ikiye zau,

mwomwo Ikiye apwa youmwe lelo, kaha mwakaya nakupwa hayamyaka. Aka kanapu katachikijilo. Hepelewu 4, fwo- . . . 14 na 15, “Ikiye ali jino. . .” Kuhanjika, “Ikiye napu Kapilishitu Wakulitulaho uze vanahase kumukwata na kwivwa chakukola chetu.” Ikiye napu Kapilishitu Wakulitulaho hano vene. Hanyima ya kusanguka Chenyi, hanyima ya kufwa Chenyi, hanyima ya kufunda Chenyi, hanyima ya kusanguka Chenyi, hanyima ya kukanduka Chenyi, amena, Ikiye hanga youmwe zau, lelo, nahayamyaka, uze Kapilishitu Wakulitulaho uze vanahase kukwata na kwivwa cha kukola chetu. Amena. Ikiye apwa muze, hazevene, kuli kala lunga na pwevo hano uze mwaya nakufwelela echi. Ikiye apwa Kapilishitu ketu Wakulitulaho, youmwe zau, lelo, na hayamyaka.

¹⁹⁶ Ikiye ayoya. Enu mwafwelela ngachize? [Chikungulwilo ngwacho, “Amena.”—Muka.] Vilinga vyenyi kutwalilaho kumusolola Ikiye kupwa youmwe Ikiye apwilenga omwo Ikiye ayoyelanga hano hamavu. Ikiye hanga ayoya hano, ufukuuno, mu chifwanyisa cha Shipilitu Wajila. Ikiye hanga ayoya. Kaha vilinga vyenyi kumukavangisa Ikiye, nge omu alingilenga, kachi Ikiye hanga ayoya.

¹⁹⁷ Nguli wakusakwilila, ufukuuno, nge, “Kalunga, kushikulu mujila jakuhandunuka handunuka kuhanjika kuli vakakuluka jetu kuhichila muli va polofweto, mumakumbi akumakumishilo kuhichila muli Mwa Nyeni Yesu Kulishitu.”

¹⁹⁸ Yami, Ngwahanene kutachikiza nge Ngwahanjikile nakushimbula. Ngwavwulyamine hakupwa nge ngachize. Ngukonekelenu. Nanguya kaha . . . Nanguya nakwimana.

Echenu tulombe.

¹⁹⁹ Tata wa Mwilu, Kalunga wamunene wa keke! Mwata, Nguli—Nguli . . . pamo Ngweji kuhanjikanga chikuma. Ngwalombo, Kalunga, kachi Ngweji kulingangamo, Ove uyenga nakungukonekela. Oloze, Mwata, Kangweshi nakulomba lukonekelo hali vize Ngwahanjikileko. Ngwahanjikanga vize Ove wahanjikile mu Lizu Lyove hano.

²⁰⁰ Jino lizu kaha mokomoko tuvali kufuma kuli Ove, Mwata, pamo muthu wosena hano mwaya nakumona echi ufukuuno. Uze wamundende, muthu wakuviza mwaya nakuyoya omwo vakiko navamona Ove hanga wapwa lika Kapilishitu Wakulitulaho wamunene. Ngwalombo, Mwata, muminyutu yayindende, nge Ove unyenga nakulingisa ou Mujimbu kuyoya cheka mumuchano. Kuli evi Ngunahanjika ha Lizu, echa vilinga Vyove vikusolole Ove mukachi ketu, ufukuuno, nge Ove wapwa youmwe zau, lelo, na hayamyaka, ha Lijina lya Yesu etu twalombo echi. Amena.

²⁰¹ Chindende kaha jino. Etu, Nguli—Ngunakotokela chindende, oloze enu munetavila kuyanda nakushimbula chindende kupwa namukana wakulombela ha minyutu fifiteni,

twende? kachi enu namuya, mukwata livoko lyove, kuhanjika, “Etu. . .” Chosena chakwoloka, kusakwilila—kumisakwilila. Ngwashikile kumwecha ha naine seti. Luli lwola kana jino; kunasale minyutu twende. Shikaho kachi enu nakuya nakunguhana pamo minyutu teni, Nanguya nakuzangula.

²⁰² Echa tumone, makati akulombelela vakiko vahangana lelo? [Ndumbu walunga umwe ngwenyi, “O.”—Muka.] O? Chuma muka, halihi etu twaputukile ufuku wapwangaho, wani, wani? [“Ngwashingtonyeka yapwile wani.”] Yaah, hu-huu.

²⁰³ Kaha jino etu, ufuku unahichi, etu twapwile kaha. . . uze Shipilitu Wajila. . . Ngwapwilenga nakwivwulila lelo, kaha kuhilukilaho chize vahanjiikile. Vamwe muli vakiko vapwilenga na majina amu French, Ngwapwilenga. . . Uze Shipilitu Wajila; jila kaha Ngunahase kuchilinga, shikuvandamina na kumona.

²⁰⁴ Talenu, lwola lumwe omwo enu namumona chimweno, enu mwatela kuchalumuna na kuchilumbununa. Echi vanachilumbununa. Chize chimweno, nge enu namuhasa—enu namuya nakuhase nakumona uze—uze mukoko, chize chinalumbununa ungoni. Talenu, enu mwatela kupwa nawa na kwalumuna cha echi, talenu, kaha kwalumuna chize chimweno nakujinguluka na kwalumuna naechi.

²⁰⁵ Kaha Ngwatalishile ufuku uhichi, Ngwa—Ngwahonene kuvuluka kanawa aze majina amu French, Ngwahasilenga kuwahanjika.

²⁰⁶ Mu Africa na kujinguluka vase va Hottentots na vase vakuzeneka kutachikiza kalunga, na vyuma vikwavo, Watela kuwavuluka majinaavo hazevene, kuvalweka vakiko nge vakiko vapwilenga, kuhanjika hazevene mulilimi lyavo. Vakiko, vakiko vahashilenga kutachikiza chuma muka chapwilenga, haze vene ove mulihanjika. Oloze, talenu, oloze Ikiye atachikiza malimi osena. Ikiye apwa Kalunga Hayamyaka na myaka.

²⁰⁷ Echa tuputuke ufukuuno kufuma, echa kuhanjika, sevete faifi, kutwala ku ku handulendi, muli O. Kumana O, ikiko nahanjika? Ngwa. . . [Ndumbu walunga kuhanjika, “Eyo. O.”—Muka.] O, O. Yaah. Chosena chakwoloka. Hiya akwechi kati yakulombela sevete faifi, echa tuyimone? Mu O, kati yakulombela O, sevete faifi, zundula livoko lyove, wosena alinayo. O. Chosena. Twaya vene *kuno*. Sevete faifi, eyite faifi, niyite, nayite faifi, handulendi, twenyenu jila *eyi* kachi munasake. Chosena chakwoloka, echi chili, chakulinunga hano, washi washi, mwomwo etu katweshi na lwolako. Nguli nakuya nakufwelela nge enu namuya nakuchilinga echi.

²⁰⁸ Tala ha kati yove yakulombelela. Tala ha kati yaowo walihate nenyi. Chuma. . . Kaha kachi muthuumwe napu chitonji, vashinjikilenu mumukana wakulombelela. Shikaho kachi vakiko vakwechi O, nge kupwa kaha O, sevete- . . .

209 Sevete faifi kutwala ku handulendi, linungenu mumukana *hano*, kachi munasake. Kwosena okwo muli, numba mujisenge, kwosena okwo, twayenu kuno, kaha twayenu mumukana washiwashi nge munahase, kachi enu munasake, shikaho kulwilako lwola.

210 Jino enu vosena hano, vase kamweshi na kati yakulombelela, munahase kuzundula mavoko enu na kuhanjika, “Kangweshi na kati yakulombelelako, Ndumbu walunga Branham, oloze Ngwafwelela”? Zundula mavoko ove.

211 Jino anuka, Nguli nakuya nakuhanjika kuli enu hali Kapilishitu Wakulitulaho. “Ikiye apwa Kapilishitu Wakulitulaho uze vanahase kumukwata na kwivwa chetu chamisongo.” Ikiye napu *Yehova Yile*, “Mwata anehele mulambu.” Ikiye apwa *Yehova Lafwa*, “Mwata uze mukakuka misongo yosena.” Enu mwafwelela echi? [Chikungulwilo ngwacho, “Amena.”—Muka.] Ikiye apwa *Yehova Manase*. Uze *Mukingo*, luze *lukepwe*, *kuunda* chetu, Ikiye hanga apwa. Chamwaza, vanagahi vafwelela chize nge osena aze anapu majina akusokola a Yehova atwama muli Yesu? [“Amena.”] Punduvene, Ikiye atela kupwa. Kachi Ikiye—kachi Ikiye... Mwomwoika, akiko apwa akuzeneka kuhandunuka, shikaho Ikiye atela kupwa osena. Kaha kachi Ikiye hanga Yehova Yile, Ikiye ali Yehova Lafwa. Kachi Ikiye apwa Yehova Yile... Ikiye apwa *Yehova Yile*, apwa “Mwata mukakuhana mulambu wa ulwilo,” kahajino Ikiye *Yehova Lafwa* uze “mukakuka misongo yosena.” Amena. Kuka chinahase kwiza na Kalunga.

212 Chosena chakwoloka, shimbu vathu navapwa mumukana; Kangweshi na lwolako lwa kumona hiya vakiko vapwa kaha vapwa veya. Oloze jino, vosena kuze vatachikiza nge Kangwamitachikizako, zundula livoko lyove, hanjika, “Ngunatondo Kalunga. Oloze ove kawangutachikiza yamiko, Ndumbu walunga Branham, oloze Ngunatondo Kalunga. Nguli kaha nakuya nakuzundula livoko lyami.”

213 Jino kachi enu namuya nakuunda ha minyutu yayindende, tala, pwenu vakuvanguluka, pwenu vakuunda. Jino Kangweshi nakutwala nge, omwo Ngulinakuhanjika, “pwenu vakuunda,”...Kachi Mwata mwalinga kalachuma, enu namuya nakutonda kwalisa Mwata; echi chinapu kulifukula. Oloze Ngwatwale ngana, “hita nakujinguluka, katuka,” munatachikiza, echi chinapu chakuzeneka kulema. Talenu? Kaha ou Shipilitu Wajila ali vanguluka, wakuvanguluka chikuma. Talenu? Kupwa kaha nge ngachize, kunguseza yami, kaha Ngwatela kuzungisa jino, cheka, talenu. Oloze kachi enu namuya nakwivwulila!

214 Enu anukenu lushiko Lwenyi lwatete? “Lingisenu vathu kumifwelela, kaha jino pwenu vakushishika, kakweshi chuma nachimana kumeso akulombako.” Enu anukenu

echi? [Chikungulwilo ngwacho, “Amena.”—Muka.] Chosena chakwoloka. Kaha echi chili. . .Kangwamona echi kuhonako, kaha kalyeshi kuhonako. Napu Kalunga.

²¹⁵ Jino etu natuya nakuzangula na mukana wakulombelela, shikaho etu nakukumisa vavavulu nge tunahase, kutala hali vathu. Oloze enu mukwechi kati yakulombelela kaha kavamisanyikileko ufukuuno, kwata kati yove, etu natuya nakukuwana. Chosena chakwoloka.

²¹⁶ Jino enu muli vakuzeneka kati yakulombelela, anuka. Mokomoko, enu okwo, chipwe enu mukwechi kati yakulombelela mokomoko chiku, fwelela kaha nge Ikiye ali nge Hepelewu kapetulu 4 hano. “Ikiye napu Kapilishitu Wakulitulaho uze vanahase kukwata na kwivwa cha misongo yetu.” Talenu kachi Ikiye hanga apwa . . .Talenu kachi Yehova nalisolola Lyavene mukachi kavathu Jenyi, nge Ikiye alingile mumakumbi a Satome. Chosena chakwoloka.

²¹⁷ Chosena chakwoloka, mwane. Jino echa tulombenu, jino, pwenu vakuunda. Jino anuka, eli Lizu kufuma kuli Kalunga linahambakana kala muthu nahase kuhanjika. Jino, ou lunga hano, Kangwa—Kangwamutachikizako. Kaha Ngwafwelela ikiye napu. . .Ove ungeji kuli yami, keshi ngochoko, mwane? [Uze ndumbu walunga ngwenyi, “Eyo.”—Muka.] Ove ungeji. Etu tunatachikiza chuma chimwe, nge etu vosena twatela kwimana Kumeso a Kalunga likumbi limwe; kupwa muthu, etu twatela kaliwana Kuze. Elu lukiko lwola lwatete kuliwana.

²¹⁸ Jino kachi enu namwiza hano, kachi enu muli vakakuviza, Ngunahono kutachikiza; chinahase kupwa chumachimwe cheka, talenu. Oloze kachi Nguli—kachi Nanguhaka mavoko hali enu, kuhanjika, “Vamwalise Mwata! Yako, ukayoye.” Echi chosena chakwoloka. Ove unahase kufwelela echi. Oloze ngachilihi kachi Ikiye mwakulweka ove chumamuka chinahenge na ove? Jino, talenu, chize chinapu chakuhandunuka, jino enu munatachikiza echi chinasolola vilinga Vyenyi. Talenu, chize kacheshi kupwa vilinga vyamiko. Yami ngumuthu; Kangweshi kuhasa kutachikiza chumachimweko hali ikiye. Ngwamulwekele ikiye, “Kangwawijiva oveko.” Ikiye kangwijiva yamiko. Oloze chuma muka nachilingika? Chize nachihasa kusolola vilinga vya Yesu Kulishitu kupwa youmwe zau, lelo, hayamyaka. Kutachikiza nge keshi yamiko, keshi yamiko, mwomwo Kangwamutachikiza uze lungako. Nanguya nakuzundula livoko lyami; hano hakiko hali eli Lizu. Talenu? Kangwawijiva ikiyeko. Ikiye kangwijiva yamiko. Oloze vilinga vya Yesu Kulishitu . . .

²¹⁹ Kachi Yesu apwanga wakwimana hano, kaha ikiye, mukakuviza, kachi ikiye mwahanjika ngwenyi, “Mwata Yesu, nguhindule,” kachi Yesu mwaya nakuhanjika kuli ikiye? “Ngunachilingi lyehi.” Echi chakwoloka? [Chikungulwilo ngwacho, “Amena.”—Muka.]

220 “Ikiye vamulemekele hakuzombojoka chetu jishimbi; ha mikiko Yenye etu hakiko twahindikila.” Kusokoka chosena echi etu tuli nacho vachikumishile ku Kavali. Kufuma hazevene, lunapu lufwelelo, kufwelela hamulimo wakukuma lyehi. Echi chinapu chakwoloka? [Chikungulwilo ngwacho, “Amena.”—Muka.] Chosena chakwoloka.

221 Jino, jino kachi Yesu apwa ayoya, kaha Ngunahanjika ha Lizu Lyenyi...Kaha enu ngwenu, kukinduluka kuze kukulikehesa na lufwelelo, kufwelela Lizu Lyenyi. Omwo Ikiye aliwanyine nayami ufuku uze, Ikiye ambile ngwenyi, “Ove mukaya nakutachikiza na vyakusweka mumichima yavo. Vakiko kaveshi kakufwelelako ha chinjikizo chatete cha livoko, vakiko vatela kufwelela echi chimwe.” Talenu? “Vakiko kavalinga ngachizeko, kahajino manyinga kushinga hamavu.”

222 Chochimwe nge omu chalingikile mulwola lwa Mose. Ambile ngwenyi, “Kaveshi kukafwelela vize vinjikizo vivaliko, kaha kahingunuine manyinga hamavu,” talenu, “kuhingununa meya hamavu, kuya nakwalumuka manyinga.”

223 Jino kuwana kaha, kachi Ngunahase kaha kumona ukalu wove uka, chize nachiya nakusuwulwisa nakukulingisa ove kufwelela, keshi ngochoko? [Uze ndumbu walunga ngweny, “Punduvene.”—Muka.] Munatachikiza chatela kupwa na vilinga vyaauze muthu Nguli nakuhanjikaho, Yesu Kulishitu.

224 Uze lunga, omu Ngwatalile hali ikiye, kukinduluka kunyima. Ikiye ali mumuvwimbimbi. Kakweshi chuma chize vitumbo vyakafwile uze lungako. Ikiye ali museteko yakufwa. Echi chakwoloka. Ikiye apwile apwile wa kupula, kaha chize kupula chapwile kupula chakufumisa prostate. Kaha yapwile kansa, kaha kansa yalimwanga mwosena muli ove. Kachi echi chakwoloka, zundula livoko lyove. Kalunga Kaha nahase kukuka. [Uze ndumbu walunga ambile ngwenyi, “Haleluya! Haleluya! Haleluya!”—Muka.] Oloze, tala, Ngwatondo kuahnjika chumachimwe kuli ove, mwane. Uze liyavolo pamo nahase kuswama kupoko ya ndotolo, oloze keshi kuhasa kuswama kuli Kalungako. Ove wafwelela ngachize? Ove wafwelela echi? [“Mamalelo! Mamalelo!”] Kahajino Ngwalombo, nge, mu Lijina lya Yesu Kulishitu, echa chuma kana chimuseze ikiye, echa ou lunga ayoye. Chumacheka chauchi; kupwa kaha wakuzeya. Chosena chakwoloka.

225 Ove na Yami tuvangeji kuliumwe namukwavo, lunga na mapwevo kuliwana. Jino, kupwa nge muthu, Kangwakutachikizako. Kaha pamo, kupwa nge pwevo, ove kawangutachikizako; kuhambakana kungwijiva kaha lijina lyami, mokomoko chifwanyisa, mokomoko chumachimwe nge chize. Oloze etu katwalijiva umwe namukwavoko. Evi vikiko vilinga vyetu. Etu katwalitachikizako vilinga vyaumwe namukwavo. Oloze vilinga vya Kulishitu, Ikiye

napu eli Lizu, kaha eli Lizu valishika lya lino likumbi. Ove wangwivwanga kuhanjika echi. Kahajino vilinga Vyenyi naviya nakumusolola Ikiye hano. Keshi yami kumusolola Ikiyeko. Kangwakutachikizako. Ove unevwushisa. Chetu—chetu chikungulwilo kwivwushisa chize? [Chikungulwilo kuhanjika, “Amena.”—Muka.] Talenu? Yami—Yami ngumuthu. Yami ngundumbwove kaha walunga.

²²⁶ Nge pwevo haze halishima, kuhanjika chumachimwe chize chakuhenga, chumachimwe chinahenge na ove, mokomoko chuma kala ove unatondo, mokomoko chuma ove ulihano. Echa Kalunga apwenga chambamilonga hali echi. Ove uli nakuyanda kufuma kuukalu wa kukuma manyinga. Echi chakwoloka, keshi ngochoko? [Vaze vandumbu vama pwevo ngwavo, “Eyo.”—Muka.]

²²⁷ Nguna—Ngunavete hali chize, muthuumwe kushinganyeka nge Ngwashinganyekelele. Kangwashinganyekelako. Nduma. Kala shimbu yayindende, Ngulinakwivwa, muthuumwe. Ove kaweshi kuhasa kusweka vishinganyeka jino. Jino kuli pamo, Ngunatachikiza, vavali vali muukalu wakukakasana hano. Talenu? Shikaho jino anuka Ngunahase kukusanyika lijina lyove, nawa, Kalunga nahase, shikaho ove kwecha kushinganyeka echi. Echa ngumilwekese enu.

²²⁸ Tala hano, pwevo wakalemesa. Tala hali yami. Ngunahono kutachikiza ovyo Ikiye akulwekanga, oloze Nguna—Ngunatachikiza omwo Ikiye apwa. Kaha vize vikiko vilinga Vyenyi kulisolola. Eyo, unapu ukalu wa kukuma manyinga, manyinga, meya.

²²⁹ Jino, hano, hano hali chuma chimwe. Talenu kachi vakiko navashinganyeka echi nge kupwa kujinuoka. Ukwechi mwana ove uli nakulombelela, ali hano. [Uze ndumbu wapwevo ngwenyi, “Eyo.”—Muka.] Echi chakwoloka. Watela kupwa, uli hamuliwu, [“Yaah.”] wiji wakawa. Wahete hakuupula. Echi keshi chakwolokako? [“Eyo.”] Mbata lilesu na kuhaka hali chize, kaha fwelela. [“Eyo.”] Kanda kukakasanako. Kaweshi kutondeka cheka kupulako. Jino fwelela na muchima wove wosena.

²³⁰ Shangwenu mwane? Chuma chili, hali ou pwevo hano, nge ove uli nakulizakamina ha chumachimwe. Ove unalizakamina ha chiveza chakusemuka nacho chinalumuka kupwa kansa. Huu-hu, huu-hu. Jino yako, kufwelela, kaha kayeshi kupwa mujila kanako. Yako kaha, kufwelela na muchima wove wosena. Vilinga, keshi vyamiko; vya Ikiye!

²³¹ Ove unafwelela jino? [Chikungulwilo ngwacho, “Amena.”—Muka.] Echi chatela kulingisa kala muthu kufwelela. [“Amena!”]

²³² Jino, Kangwakutachikizako. Yami ngungeji kuli ove. Kalunga akutachikiza. Ove wafwelela echi...? Ove

unatachikiza nge Kangwakutachikizako, kaha ove unatachikiza nge ove kawangutachikizako shikaho ove wafwelela nge Shipilitu eyi ili nakuhanjika kayeshi shipilitu yamiko? Mwomwo, yami, kupwa muthu, Kangwakutachikizako. Oloze vilinga vashikile mu Lizu linapu Lizu lyakuvambuka kuhambakana poko yauvela kuvali, kaha kutachikiza vishinganyeka na kulihala cha mumuchima.

233 Ove uli wakuviza chikuma. Ove uli naukalu wakuupwevo, uze wapwilenga lichimbi, kaha lize lichimbi lyapwilenga na kansa. Kaha ove wayile na kupwa na umbanda umwe, kaha wapwile umbanda wa radium, kaha chuma kana chinalimwange muliyove wosena. Kaha ove muya—ove muya na kufwa kachi Kalunga keshi kukuhindulako. Ou unapu muchano. Ove wafwelela jino Ikiye mwaya nakukuhindula? [Uze ndumbu wapwevo, “Eyo.”—Muka.] Echa Kalunga wa Mwilu atenukile uze liyavolo uze aswamine kuli ndotolo. [“Mamalelo!”] Ikiye pamo aswamine ku radium, oloze keshi kufuma kuli Shipilitu Wajila. Yako, kufwelela Ikiye, jino, ndumbu wapwevo. Kanda kukakasanko, oloze fwelela.

234 Ove wafwelela nge Kalunga nahase kuhindula ukalu watulo, kaha kukulingisa ove kupwa kanawa? [Uze ndumbu wapwevo ngwenyi, “Eyo.”—Muka.] Ove wafwelela echi? Kahajino yako mujila yove, kuwahilila, kuhanjika, “Ngwamusakwilila Ove, Mwata. Ngwafwelela tulo yami yakumu.”

235 Shangwenu mwane? Ove umukakulizakamina. Ove unapunga mukakulizakamina ha lwola lwalusuku. Muli chize, chanehele mbandu kwiza mujimo, chakulingisa ove—lyove ukalu wamujimo. Kaha ove unatondo. . . Ove unatondo kulya chove chachingoloshi? Muya nakulinga chuma Nanguya nakukulweka ove kulinga? Yako, lyako, mu Lijina lya Mwata Yesu.

236 Ove wafwelela na muchima wove wosena? [Uze ndumbu wapwevo ngwenyi, “Ngwafwelela.”—Muka.] Ove uli pamo mukweze wapwevo wakalemesa wamwaza, kusoloka kuli yami. Ove wafwelela yami kupwa ngamba Yenyi? [“Amena.”] Ove wafwelela vilinga Vyenyi vinahase kupwa hano, ku. . . eli Lizu, Livene, na lushiko lwa lino likumbi, “Eli lilinakuzata nge omu Nangulinga kuli ove nawa?” [“Amena.”] Kangweshi kuhasa kukako. Ikiye alingile nalingi lyehi echi; oloze vilinga Vyenyi kusolola Ikiye, nahase kutachikiza kuhenga na enu. Ove ukwechi ukalu wakuupwevo, ukalu wakuupwevo. [“Eyo, mwane.”] Ove wafwelela nge Kalunga eji kuka jino? [“Eyo. Amena.”] Yako mujila yove, kanda kulizakamina. Fwelela na muchima wove wosena.

237 Ove fwelela kuli yami kupwa ngamba Yenyi? [Uze ndumbu wapwevo kuhanjika, “Eyo, mwane.”—Muka.] Kachi Kalunga mwangulweka yami ukalu wove uka, muya nakufwelela nge

vilinga vya Yesu Kulishitu? Uli munyima yove. Kaweshimoko chekako. Yako, fwelela na muchima wove wosena. Fwelela.

²³⁸ Twaya, pwevo wakalemesa. Ove nawa uli naukalu wamujimo. Fwelela na muchima wove wosena, kaha yako lyako kulya chachingoloshi. Vulyama echi. Yesu Kulishitu mwakulingisa ove kupwa kanawa.

²³⁹ Twaya. Ukalu wove unapu manyinga. Musongo wove wasugar. Ove wafwelela nge Kalunga nge mwaya nakukulingisa ove kanawa na kuhindula ove hali chize? Yako mujila yove, na kuhanjika, “Ngwasakwilila Ove, Mwata Yesu,” mwakulingisa ove kanawa. Yako, fwelela na muchima wove wosena.

²⁴⁰ Twaya. Nyima yove, ove wafwelela nge Kalunga mwaya nakukuhindula nyima nakukulingisa ove kanawa? Yako mujila yove, na kuwahilila, na kuhanjika, “Ngwasakwilila Ove, Mwata Yesu.”

²⁴¹ Ove nawa wapwile na chumachimwe chakuhenga na nyima yove. Twalilaho kutambuka, nakuhanjika, “Ngwasakwilila Ove, Mwata. Ngunahinduka.” Fwelela echi na muchima wove wosena.

²⁴² Ove nawa wapwile na ukalu wanyima. Chuma muka ove watachikiza hali echi? Fwelela na muchima wove wosena jino, kaha yako lika mujila na kupwa kanawa. Mwomwo Yesu Kulishitu mwakulingisa ove kupwa kanawa. “Kachi ove unahase kufwelela, vyuma vyosena vinashiwa.” Chosena chakwoloka.

²⁴³ Ngachilihi kachi Kangweshi kuhanjika chauchi kuli ove, kuhita kaha na kunangika mavoko hali ove, ove wafwelela nge mwaya nakupwa kanawa? Vakiko kumona chuma muka chahenge. Ove wafwelela nge mwaya nakuyoya? Twaya kuno. Ngwamutumumu ou liyavolo, mu Lijina Iya Yesu Kulishitu. Echa ngolo ja Kalunga jihindule mwana. Amena. Kanda kukakasana, kanda kukakasanako, mwaya nakupwa kanawa. Fwelela na muchima wove wosena.

²⁴⁴ Kachi Kalunga keshi kukuhinduluka, ove mukaya nakupwa mukalikoki likumbi limwe, na musongo wakatenda. Oloze ove wafwelela nge Kalunga mwaya nakukuhindula kumusongo wakatenda? Kahajino, hanjika, “Ngwakusakwilila Ove, Mwata. Ngwafwelela Ove, kaha Ove ngulingise kupwa kanawa.” Chosena chakwoloka.

²⁴⁵ Twaya jino. Unapu vene ukule wove. Ove uli vene wakulizakamina vene. Kupwa kaha vene wakulizakamina, kuchongoloshi. Omwo ove muzatana vyuma vyosena, ove uli vene wakulizakamina. Ove wafwelela jino? Echi kacheshi kukuyanjisa chekako jino. Yako mujila yove, nakuahnjika, “Ngwakusakwilila Ove, Mwata Yesu.”

²⁴⁶ Twaya, mwane. Ove wafwelela nge Kalunga eji kuka ukalu wamuchima? [Uze ndumbu walunga ngwenyi, “Eyo.”—

Muka.] Mwaya nakulingisa muchima wove kanawa? Twalilaho kutambuka nakuya, kuhanjika, “Ngwokusakwilila Ove, Mwata. Ngwafwelela na muchima wami wosena.”

²⁴⁷ Kalunga eji kuka TB, na kulingisa kanawa, nawa. Ove wafwelela echi, mwane, na muchima wove wosena? [Uze ndumbu walunga ngwenyi, “Ngwafwelela echi.”—Muka.] Chosena chakwoloka. Yako mujila yove na kuwahilila, kuhanjika, “Ngwasakwilila Ove, Mwata Yesu.”

²⁴⁸ Ngachilihi ove oho, ove wafwelela? Ngachilihi likungumbuwa? Enu vamwe mulikungumbuwa jino mwafwelela.

²⁴⁹ Ou lunga natwame ahavene, na kujika kutulo, ove wafwelela nge Kalunga mwaya nakukuhindula ukalu wakujika kutulo? Chosena chakwoloka, ove pwako na ovyo ove walombanga, jino. Amena.

²⁵⁰ Kulaha cha manyinga, natwame kunyima ya ikiye kuze. Ove wafwelela nge Kalunga mwaya nakukuhindula kulaha chamanyinga ove? Chakusele ove, mwane. Ngunahono kutachikiza ikiye, kanda lyehi ngumumone muchiyoyelo chami.


²⁵¹ Hanjika, mwane, ove wafwelela nge vase misulu mumishisa yove, kulizakamina cha misulu mumishisa, ove wafwelela nge Kalunga mwaya nakukulingisa kanawa? Ove mulinga? Katula livoko kachi ove wafwelela. Chosena chakwoloka.

²⁵² Pwevo lyove natwame oho, ikiye vinakumushupa shina ukalu wakujimba mumazulu. Ove wafwelela nge nauya nakukuseza, nawa, ndumbu wapwevo?

²⁵³ Ove pwevo wakalemesa kunyima okwo vene, ukwechi ukalu kafungunya. Ove wafwelela nge Kalunga mwaya nakukuhindula kafungunya kove, pwevo wakalemesa?

²⁵⁴ Hano hali pwevo wakalemesa na kochi yayindende, navwale kochi yichila, hano. Ikiye natwame okwo. Ikiye ali naukalu wakujimba mumazulu, nawa. Ove wafwelela nge Kalunga mwaya nakukuhindula ukalu wakujimba mumazulu? Zundula livoko lyove, kachi ove unafwelela echi.

²⁵⁵ Kala muthu ali muno uze nafwelela nge vilinga vya Yesu Kulishitu vili mukachi ketu ufukuuno, zundula livoko lyove, hanjika, “Ngwafwelela echi.” [Chikungulwilo kuwahilila nakuhanjika, “Ngwafwelela echi!”—Muka.]

²⁵⁶ Vosena vali hano, namuya nakumwitavila Ikiye kupwa mukakuka, imana hamahinji ove, nakuhanjika, “Ngwafwelela echi.” Katuka. Imana, kufuma muvitwamo vyenu, kalamwosena omwo chili. Yesu Kulishitu youmwe zau, lelo, na hayamyaka. Nguli nakuuhana kuli ove, mu Lijina lya Mwata Kalunga. 

KALUNGA KULISOLOLA LYAVENE
KUHICHILA MU VILINGA VYENYI LVE64-0320
(God Identifying Himself By His Characteristics)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha chitanu na chingoloshi, Kuwana 20, 1964, Denham Springs High School mu Denham Springs, Louisiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2021 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org